

近代中國史料叢刊續編第九十五輯  
沈雲龍主編

多忠勇公（隆阿）勤勞錄

雷正綰輯

文海出版社  
有限公司  
印行

光緒元年孟冬固原提署敬鐫

三忠勇公勳勞錄

板存西安都城隍廟西馬道巷桂榮堂竇家刻字鋪

同治三年四月二十日內閣奉

上諭欽差大臣西安將軍多隆阿前在湖北帶兵剿賊叠著戰功同治元年率師赴皖攻拔廬州匪首陳玉成敗竄被擒伏法旋由湖北督師入陝授爲欽差大臣將同朝一帶回匪巢穴悉數削平先後克復城寨十餘處立解鳳翔之圍俾甘省回匪一律肅清厥功尤偉嗣因藍逆佔踞盩厔縣城屢攻不下該將軍奮勇忠發躬身督戰力拔堅城頭面致受鎗傷節經賞給內府如意拔毒


散給人葭等件交該將軍祇領醫治方冀速痊長資昇  
倚茲據因傷出缺披覽遺章實深悼惜多隆阿著加恩  
贈太子太保照將軍陣亡例從優賜卹賞給一等輕車  
都尉任內一切處分悉予開復應得卹典該衙門察例  
具奏並准入祀京師昭忠祠其曾經立功省分著該督  
撫查明建立專祠賞給銀壹千兩經理喪事由陝西藩  
庫給發其靈柩回旗著沿途地方官妥爲照料伊子孫  
幾人著黑龍江將軍查明俟百日孝滿後由該旗帶領

引見以示篤念忠盡至意欽此旋蒙

予諡忠勇嗣由

部議 奏請

賞給一等男爵子雙全承襲



多忠勇勤勞錄序

中江雷正綰撰

在昔狔狼見野之時麟鳳鬪霄之際必有乘雲繞日  
抉電掀雷者撐八柱以承穹幹四維而鎮岳是故召  
穆平南國宣王再造周京耿弇下東阿光武重興漢  
社唐資李愬成白雪鴨鵝之功宋得岳侯掃黑風龍  
虎之氣不有爪牙猛士誰爲心腹干城乎然而臣子  
効忠則勲盟露布國家旌死則像繪雲臺伊古以來

實難其任若乃力曳牛尾鑿霹靂而避威名留豹皮  
 應辰星以垂耀用能績昭常武光輔太清吾於多忠  
 勇公見之矣公號禮堂世居黑龍江為東盟齊齊哈  
 爾城人生而僧定孝以事親樊噲感天狼之精武穆  
 為大鵬所降少好任俠喜談韜鈴凡楊公鐵星呂望  
 銅電太乙青烏之術奇壬白馬之占莫不手導元關  
 胸羅武庫咸豐初粵寇倡亂金田

朝廷兵徵鐵騎公以叅領應募入關連戰高唐州馮官屯



等處皆平曹景宗快馬猶龍矢無虛發王思好入鷄  
如鶻鋒不可當蒙古親王僧格林沁上其功遷協領  
并授行營翼長隸荊州將軍都與阿部署由是克鄂  
湘清吳皖舉旗燕趙搗穴齊秦征戰數十年經營八  
九省其功業之奇偉與忠勤之懋昭詳在史書播諸  
輿論散見於曾文正之奏疏宣著乎胡文忠之遺編  
蓋無俟縮而彰亦不待言而顯顧維縮從役逾久受  
知最深求執鞭而未能思勒石以銘舊謹就管窺所


及以爲輶採之資焉慨自青犢嘯羣紅羊墮劫四瀆  
之星鯨悉動八公之風鶴齊驚僞英王陳玉成者髮  
逆中渠魁也本旁缶之鋸牙兼蚩尤之銅髀阿主兒  
有神力獨斬寐龍錢守俊爲賊酋能轉陂鶻驅四十  
萬兇黨挫三千五弩軍再陷武昌長圍安慶北固之  
江沈鐵鎖南昌之險失金墉劉秩書生難當曳落河  
之衆哥舒健將莫敵阿犂山之強裹黃巾以祭天妖  
騰蒼鳥駕白衣而搖櫓艦接青龍周顛泣新亭謀臣

束手莫敖縊荒谷戰士寒心幾於泥丸掌中東封函  
谷鞭投江上西斷淮流矣惟公手挽銀河心懸霄漢  
控九關之鎖鑰撐半壁之江山當道卧老羆豨子那  
能得過超躡蹴飛豹獒兒難與爭鋒獻子濟河朱絲  
度水顧榮搖扇白羽麾軍暗襲楓樹坳同擊獨山鎮  
掃京口五河悍黨而九江解嚴遮枋頭六合狂氛而  
二郎設戍一身是膽萬衆爲心而且將取太湖先趨  
潛水斷荆橋以遏歸路馘桐賊而攻老巢赤壁江邊

縱火焚阿瞞之筏黃天蕩裏貫鉤曳元朮之舟卒能  
進道宿松功成破竹紇于征白嶺獲酋王二十五人  
契苾平黑山收虜衆四百三部聞先聲而狗逆膽落  
逐窮寇而狐羣尾垂俾玉弩不至冲霄金陵藉以規  
復是其大有造於東南者也屬值猗氛搆釁爰佩戎  
節專征其時黑水流沙飛鷲墜地黃金子午啤雁驚  
天諸葛之流馬不通田單之火牛難縱公乃澆冰成  
壘聚米爲山空拳以搏茂虔驗鼻而誅王簿先戰髮

會陳得裁捻逆姜汰凌等殲於商南諸巖塹力固陝  
北之藩籬壬戌歲冬師次潼華三鼓而收沙苑一甄  
而捷洛河如墨子制輪般九攻九距似武侯征孟獲  
七縱七擒明年春大破於羗白喬店倉渡旋又克於  
交口高陵涇陽隴首雲開旄頭星散諸花門部落詣  
柳營請降下馬謁渭橋悉呼子儀爲父畫龜遺剛浪  
能屈元昊稱臣遂得石刻點蒼旂揚太白青牛赤虎  
仍號太平之年朱鷺黃鸞高歌破陣之樂其漢南踞

寇亦奔北先逃方將廓清鐵嶺邊疆圖上金城方畧  
爲良臣第一跨石海之三無何川匪突來轟陷蓋屋  
藍面鬼雄赤眉賊狡而偃陽城小懸布難登陰平路  
危褰瓊莫下飛屋瓦而象犀股慄舞衝梯而蚊蚋氣  
吞十面伏埋千頭弩發詎料災當天竈出鑿凶門王  
難得矢著鄣眉猶殊死戰郤獻子血流至足不絕鼓  
音八道進攻一朝立拔克其城賊盡滅而公亦於是  
創甚矣



香哭宗政而罷市四廂將校饗祭椎牛百保鮮卑思  
房喂馬其能無坡驚落鳳碑仆蜻蛉也哉公弗然官  
燭不發私書士有贏糧家無蓄貨臨事自昭鎮靜出  
奇闇合孫吳伯顏久握兵符只被衣數襲余玠身爲  
閩帥薦將士滿朝緒卽所拔舊部也親見公臯牢百  
度糟粕六韜慷慨而策治安笑談而揮強敵獨依大  
樹恥伐功能常運甃甌自忘勞瘁向使大星不隕時  
雨來蘇必能電掃八紘風清四表則力完拓地直焚



老上之龍庭勲竟補天永斷女媧之鼇足宇宙在其  
手上甲兵藏於腹中可謂萬里長城百川砥柱也已  
說者疑公身膺專閫坐昧垂堂爲彈雀而拋珠忘困  
獸之猶鬪雖同馬敦敢死不免狼暉輕生抑知行險  
壺頭文淵幾失據床壘口子羽亦危彼孱縮老成德  
威持重俱未窮追深入胡均棄衆敗亡耶蓋百戰難  
萬全千慮或一失陣無勇之非孝身有殺以成仁如  
臨敵舍生者斥喪元奚取義將卽戎恇怯者反藉口

得居功是隳豪傑之心而長懦夫之習死亦大矣謂  
之何哉况妖星見西州當祖逖而應識明月蝕東壁  
促鄴侯以昇仙天寶爲之夫誰咎也說者又謂公溺  
洩儒冠擲撞郎吏如灌夫之侵座等子玉之凌人一  
時大僚半積小隙故戎績已盈海內而侯封不及身  
前生少劉向上書表延壽斬擒之烈死無李翰陳狀  
論張巡遮蔽之功倘稍平易近情當必勲名冠世不  
知大臣任天下何能自樹以黨援武將決機宜豈可

相繩於文法偶持議之不合遂怨嫌以叢生然公外  
雖梗方中實謙直大將軍爵尊曾容揖客節度使官  
貴不薄詩人平勃交歡爲安社稷弼儀相厚共濟艱  
難亦何嘗作韋起之訾朝臣孫宏之輕謁士耶矧且  
忠結

主知獎軍威於細柳惠遺民愛護憇舍之甘棠李衛公所  
過有祠南霽雲以官廕子而奚必依草附木始能存  
榮沒哀乎今日者西平人邈北鄙烽消射虎弓藏思

都尉而不見化龍劍去過延平以鬱光所愧緒目陋  
識丁手難洗甲偶從黃石一拜叨讀素書三篇是用  
傳述生平編排戰伐聊伸鴻辯盡掃狐疑庶幾石馬  
千秋配錢武肅表忠之觀雲螭百丈峙郭汾陽紀功  
之碑

多忠勇公勤勞錄卷一

中江雷正綰纂輯

蕪州夏允升叅校

隨州劉寶國編次

宣城彭體道  
江甯胡得成監修

公名隆阿禮堂其號也世居齊齊哈爾城隸正白旗  
家貧尙氣俠少沉毅有膽畧勇於敢爲當時以此奇  
之弱冠由披甲遷驍騎校咸豐初粵逆倡亂陷金陵  
分黨北犯適蒙古

親王僧格林沁統義師入衛

詔徵黑龍江騎兵助剿始以叅領帶二起馬隊應募入關  
隨征高唐州連鎮及馮官屯各處大破踞逆林鳳祥  
李開芳等餘匪悉平五年奉調進援湖北屬江甯將  
軍都興阿鈐轄分防沙口力遏黃州竄賊六月十一  
日攻克武漢二城以功加副都統銜補協領並授行  
營翼長俾統率馬步先行追勦沿江北岸賊匪進至  
蘄州曹家河猝遇賊巨股迎頭衝擊力戰破之斬擒  
無算乘勝復黃梅廣濟等城進規小池口將軍都興

阿駐營廬家嘴憑江踞險與圍攻九江官兵相犄犄  
公率所部紮孔壠驛臘月望日派隊前往黃梅察度  
地勢偵聞髮逆分三路竄擾廣濟乃商同提督孔廣  
順挑選勁旅追勦將近城下見賊衆約三千餘遂分  
馬步爲四更戰迭休逆悉銳從後抄撲勢甚兇橫公  
嚴督各兵勇奮力鵬勦鎗礮齊施逆不支驚潰我軍  
截前孔營擊後兩軍夾攻大敗之餘黨懾魄裂膽向  
東鼠竄而去追至夫子嶺沿途伏屍載道共斃賊千

餘名奪獲旗幟刀矛多件賊仍竄回宿松時髮逆已踞有九江乃於小池口對岸築僞城號新城縣與潯城遙峙爲江皖入楚咽喉城外四面築數壘均堅壁深濠又與僞城援應聲息相通圖抗征皖之師丁巳七年春正月六日夜已四鼓公率隊馳往該處潛察情形望見賊目在魏家菜園築土城一座因謂其衆曰舍此不擊則賊得據要害俟其敝而乘我將不能爲謀矣可一戰平之當分三路進攻令姜玉順爲前



敵孔廣順一軍隨後接應騎隊排列左右翼以備抄襲鼓譟而入勢如電掣雷轟逆拚命死抵相持一時之久姜玉順首先登城各勇奮疾若飛以稻草障身而進填平濠塹縱火焚燒後山烟燄迷天賊驚潰奪門狂奔乘勢追殺五六百名圍逼溪河淹斃者無算生擒百餘奪賊大礮六十餘位擡鎗刀矛倍是其漏網殘鱗亦被撲滅殆盡先將小池口附近桂家畝賊巢及土城攻破越日進攻僞城該逆經前番痛懲堅

守不出惟日於墻穴中施放鎗礮子落如雨我軍以雲梯瞰壘攻扒數十次不能得手收隊暫回賊復於偽城距近之段窰修堅壘以通運道公率隊騎而馳突於十七日黎明抵該處壘中之賊猶酣眠不知官兵突至毫無戒備各兵勇四面圍攻蜂擁而來進薄諸壁該逆出營未及列陣官軍已奮呼直上塵戰約三時許遂大潰於是馬隊抄前步隊躡後芟除靡遺計殺賊二百餘名殲黃衣賊酋三生擒數人梟示力

攻段審平其壘卽會合各軍拔小池口僞城克之時  
三月初九日也旋探報髮酋大股上犯都興阿命公  
分駐濯港以扼賊衝別令鮑鎮軍超部霆字五營駐  
意生寺備策應賊於楚皖交界之楓樹坳陶家嶺獨  
山鎮一帶築壘自固意將潛趨蘄黃牽制官軍公念  
入皖門戶若緩擊之俾賊得地利後將難平三月十  
五日秣馬厲士揚言先取獨山鎮而暗襲楓樹坳拔  
之後二日復揚言先取二郎河回軍擊獨山鎮又拔

之髮逆自起金田狃於常勝及與公戰屢北自是聞  
公名輒遁不敢與交鋒矣惟僞英王陳玉成年少能  
軍自恃其梟鷲乃分黨三千餘竄踞黃梅屬之停前  
驛其陸續磨聚而來者不知凡幾四月初九暨十六  
等日先後探報有衆四十萬自宿松縣東門外直達  
停前步步爲營如連珠層層包裹徹夜火光燭天各  
軍相顧駭然公卽會同孔提督廣順王鎮國才所部  
力守城池一面移紮黃梅屬之十里舖期與漕港諸

軍聯絡其渡河橋地形尤爲險要賊築堅壘三座浚  
湟高塘列柵雲審意圖久踞阻我軍進攻適鄂撫胡  
公林翼會師圍勦連獲大捷 奏稱查皖賊分竄黃  
梅四月二十四日江甯將軍都興阿督率馬步勦賊  
於渡河橋殺賊二千餘人平壘二十一座賊氣大挫  
自是賊營移平就險移小併大意在堅守伺我之隙  
我軍連日進攻賊於壘中施放鎗礮五月初五日  
以後連日陰雨賊於大河舖迤北依山增壘三座十二

日賊全數擁出攻撲孔廣順王國才方映川及馬隊  
各營并攻黃梅縣城都與阿在陸家嘴聞信卽派多  
隆阿調齊馬隊取道白湖渡調霆營黔營步隊取道  
濯港赴援營總密雅明阿帶江岸馬隊爲接應時賊  
數萬正在攻撲孔廣順王國才各營我軍堅壁不動  
賊近以礮轟之多隆阿令馬步分兩路進攻賊恃水  
田泥深馬難馳驟先於要路排鎗抗拒鏖戰多時賊  
始卻退我軍日暮收隊賊又四面撲出多隆阿揮軍

回戰參領西林布都嚶爾等由迤西山坡衝入賊衆  
披靡我軍追二三里而返比收隊已三更矣計殪賊  
二百餘名語詳載胡傳中十五日獲奸細一名訊據  
供稱賊目李兆壽亦率悍黨六千餘填紮大河鋪與  
狗逆互相策應等語該逆復於附近之馬尾山錢家  
灣一帶增壘五座截絕我軍樵汲十六七八等日賊  
由大河鋪分竄十里鋪雙城驛鄭公塔官橋清河鋪  
橫山圖等處連犯廣濟兼窺武穴冀截官軍後路阻

我餉道公抽派馬步連日分勦迭有斬擒二十日四  
更約會鮑軍乘賊無備前往劫營陰遣人伏於要隘  
命甲士數百皆持巨斧火毬銜枚疾走當將賊壘全  
平斃其兇酋多名是晚復約會往攻昏黑中賊不知  
官軍多少驟聞人馬喧騰自相驚竄魏家涼亭破金  
子鋪遂不守蓋一旦夕間而已拔賊巢數壘矣奈賊  
勢披猖愈來愈衆日夕列隊相持我軍四路分禦腹  
背憑陵僅恃馬隊突衝賊不得逞遂上竄蘄州更分



股橫截童司脾黃臘山以邀我後將軍恐下令欲退  
軍值王鎮國才移營不戒於火延燒藥篋自焚諸軍  
始暫駐乃允援於圍攻九江之湘軍及長江水師移  
礮船於內湖水陸並進一戰殲焉餘逆望風落膽竄  
蹙亂竄直追至宿松城下奪獲牲畜器械無算所有  
戰壘百餘座悉數削平仍將黃梅克復楚省二次肅  
清此頻年進征武昌戰勝攻取之實情也嗣奉官公  
文檄收王鎮舊部裁汰疲弱改爲精選四營以正緒

居中而令楊朝林王可陞左右翼之逐日操演步伐  
止齊將爲東征之計時賊亦棄宿松遠遁八月率馬  
步各營馳抵其處分紮城外并分寔字五營戍二郎  
河以防回竄九月十九日偵知太湖縣城業經失守  
賊由潛山石牌黃泥港三路突來約計四五千衆另  
股二千餘上犯涼亭河距二郎河二十五里公與鮑  
軍商謂賊築壘於必爭之地以應太湖爲名度我必  
往爭旣分其兵彼將尾乘而襲我不如先勦涼亭以

挫其兇鋒而仍留健卒扼石牌以備其狡逞計畫已定二十日選強弩利銃風驅霆擊敵稍卻則以奇兵旁截絕其歸路料其困且走扼戰於衝途以待圍旣合金鼓震地石矢齊飛賊旗靡大譁縱兵掩擊敗之蹂躪死者以千計自辰至午陣斬七八百名賊向老巢遁去立拔涼亭河諸壘而賊目僞陳天福鍾丞相葉隊將黃檢點所帶約計四五萬衆仍踞石牌與太湖相唇齒因皖省年荒糧盡野無可掠知楚北春收

尙稔裹脅飢民分股竄至楓香驛依巖  
山林左右伏賊尤多意在竄撲二郎  
騷鄂境十一月十五日率馬步各營  
墩會商鮑軍進攻次日黎明派石清士  
由東路進以喀爾庫馬隊繼之派正始  
隊由西路進以祿昌馬隊繼之鮑率工  
由中路進以西林布馬隊繼之又派鄭  
馬步分路迎勦賊殊死鬪而自率騎亦

賊後縱馬馳驟敵勢披靡剛潰敗間四鄉潛匿民舍  
之零寇一齊突出漫山遍野鼓角雷鳴壘賊見有外  
援憑牆堅守我軍三路圍擊鏖戰移時賊退卻乘勝  
卽拋火箭萬炬齊發延焚柵椿紛紛狼籍一呼而登  
十三座兎窟立破并將仙田鋪紫方河界水河餘孽  
搜洗逸賊仍回太湖計擒殺四千有奇生獲二百餘  
馘之屠黃衣悍酋三十餘比收隊已二鼓矣事詳都  
將軍 奏疏戊午八年初十日僞地官燕僞成

天豫等帶死黨五千餘并裹流民約七八萬由渡船  
口竄來在荆橋好漢坡桃花鋪椶楓梢分茅嶺劉家  
塘走馬岡要隘處折民房修輒壘飛石滾木連營三  
十餘里將以綴我師而緩其攻也公謂諸將曰賊遠  
來必疲且脅從者衆其心多離急擊之可以奪氣若  
遲之使稍安則驅除倍難耳乃乘其未成列星夜馳  
往相度機宜翼日甫曙鳴甄督隊揚鞭直前賊遙見  
旗幟慌亂無措自相踐踏墜崖墮澗者遺屍枕籍首

首亦幾成擒夏四月朔九江復七月偕湘軍鮑營規  
取太湖初八九等日拔隊直薄城下命石清吉三營  
扼正南正緒與姜玉順等營於東南角踞城僅三里  
許更修浮梁一道用利進攻已而命營於河干繫堵  
東門以斷石牌糧運俾窮寇坐困樊籠方築橋紮營  
時髮渠懸重賞購敢死兇黨數百鳧水由半渡毀之  
皆環跪泣曰多某軍令如山砦堅如鐵石未易圖也  
八月十六日偕霆軍分道出戰先易麾幟設奇埋伏

以俟令老弱佯睡誘之賊見官軍疲寡果開壁迎敵不數合卽遺棄甲馬僞若敗遁者該逆剛追至橋猝遇伏發盡倉皇退入壘中我軍努力齊心各頂擋牌木扉冒死爭先噴筒火彈亂擲如流星烈燄沖霄勢將突圍而逸鮑攻其上而自揮騎攻其下左右夾擊其城外四壘登時踏平誅大小賊目二十一名餘賊不可勝計所奪鎗礮甚多皆掀墮水中城賊爲之膽寒是夕拋輜重耄倪向潛山遠颺縣城復遂與鮑移



營石牌進規安慶石牌者安慶輔車也賊據山阻水於該處及雷公埠增築石壘環以梅花樁密排木城星羅碁布濠寬丈餘深倍之並沿河設礮船不時轟擊我軍乘其東彼得備其西我軍截其首彼得抄其尾石牌不取則安慶終於難克八月二十五日與鮑軍密籌仍兩路進勢如常山蛇公率正綰等攻擊上石牌鮑以霆營攻下石牌賊衆息鼓偃旗鼠伏不動意將抵隙乘虛出壘死戰各將士吼聲如雷無不以

一當百束濕薪擲土塊填平溝塹奮不顧身拔去柵  
欄縱火焚木城值西風大作風勁火猛湖光照耀通  
紅逆皆焦頭爛額開門亂竄我軍在外圍殺斬馘無  
數兩軍同時將上下河西賊卡十座一律削平其逸  
出者復經躡擊落水淹斃屍浮蔽江乘勝奪河內礮  
船搶過浮橋而東岸賊壘四座始猶鴟張死抗繼見  
河西巢穴已失戰艦橋梁復爲折毀均落荒出柙無  
心戀戰被馬步四面裹殺號哭之聲震動天地殲賊

六千零水淹過半斃黃衣賊首百餘奪礮船二十艘  
大礮七十餘位僅騎馬悍首數十逃入安慶省城此  
連日攻拔石牌上下暨東西河岸之情形也自石牌  
破安慶勢益孤遂移營逼駐省垣賊預從北門築九  
壘墻高於阜月城雲閣上矗天半引湖水灌濠外施  
鹿角數層布以鐵蒺藜復於兩岸設橫橋以爲屏蔽  
使官軍無由飛越公一日潛出巡視歸笑謂諸將曰  
賊不知兵徒死守無濟也安有恃襟帶一水不留餉

道而能久據以抗敵者乎我若糧足械備先拔其外  
壘築長圍而久困之彼不戰自屈耳但吾兵少利在  
速攻如遲回不進形見情露轉取敗焉今鼓行而前  
彼安能測我虛實且髮逆知吾來氣已餒何足憂哉  
乃揭旗大書榜示城上言多都統領驍騰鐵騎十萬  
來與賊決死戰徑抵城南趨湖水西直搗敵營髮逆  
懼徙砦稍卻退斂游騎謹守浮橋增壘自衛秋九月  
初旬與鮑商會擊陣於河岸令正綰軍其東若將決

戰者密遣石清吉陰出橫橋聲言援兵至敵方駭顧  
霆字營卽潛軍躡其後公以精甲兜勦之敵大潰跟  
追入壁斬首數千級城中派大股出援又經擊敗賊  
恐攻破城巢急放閘板關閉其不及進城諸逆均撲  
滅靡遺北門九壘破之卽移軍紮其間十七日繞至  
東面相度形勝掘澗修營以遏城賊偷竄敵知愈圍  
愈嚴患生肘腋先於城內囊土盛沙以覆樓棚列甕  
澗水以防火并於西北壕外引泉爲泥淖以限騎然

後派強虜出撲公令弁勇窒以濡革折路以剗土城  
益薪架火先燬其望樓卽施毒烟烈炬鼓鞀以熏之  
列死士用長鎗勁弩備其衝賊仍潰返所修營壘剛  
成正擬撤隊而西北門又突出股匪數千分三路包  
抄遂商令霆字五營截其西親率騎士攻其北派步  
卒誘之賊趨壕側我軍矢石雨注不數合旋退有頃  
賊別隊自東北馳至公揮步騎夾浮梁吊橋並出爲  
三迭陣以備之另遣正綰等以馬步五百出賊背而

命姜玉順帥輕兵橫衝三道夾擊賊狼狽遁歸俘馘甚衆二十九日微明賊四千餘衝出東門疾如風雨劫掠民間食貨當率飛騎迎勦躬執桴鼓督戰士皆奮躍連發小箭射中黃衣頭目餘咸敗退時賊被圍日久援絕糧罄急欲鋌險鹿走慮其無間可乘故於每門增戍悍黨萬人遣兇渠統之我戰則匿壘以避其鋒使無所用武我退則迭來以撓其勢俾不獲汔休而又觀釁伺隙頻出遊軍掩其不備阻我深入以

擣其虛其譎詐如此十月初九日公率諸軍一由西  
南進調姜玉順堵浮橋以截下竄之歧路一派正縮  
率步兵屯其半正東以制賊後屯其半正北以扼賊  
前一請寔軍合石清吉諸營圍防湖口該逆衝突十  
數次不能破樊奔逸經我軍殺傷過當棄衣甲弓刀  
山積十一至十七逐日挑戰以疲我師且編筏窺湖  
將俟宵深潛趨下游掩襲公變易服色旌旗循環往  
來夜則然炬照湖如白晝數十里相望躬往巡防斬



其卒之稍惰者士皆股慄露立堵禦賊詭計莫施日  
惟坐以待斃城中老幼呼天搶地聲震林木正擬功  
成唾手無何湘軍敗全師覆於三河舒桐各城相繼  
淪失狗逆率勁賊七八萬回援安慶羣心震驚公請  
令都將軍曰賊若斷我後則轉饋空乏徒自困耳且  
集賢關爲要衝不先爭據俾賊得塞其隘全軍皆釜  
魚矣盍暫退以圖再舉乃派騎乘殿後因山列陣縱  
火自焚其壘烟塵蔽天步軍始徐徐退該逆大股已

抵關口我軍馬步輪接且戰且走擒馘甚多沿途整暇從容賊不敢通行抵宿松城外前駐之防軍先聞援賊麇集已潰逃大半後見公隊伍至皆鼓舞慶再生士氣自壯乃問縣令糧足械備乎應曰諾公曰如是則城可守也遂募食訓士面諭正綰楊朝林穆正春王可陞邱時成各將領等均摩厲以須有退蕙者戮以徇又諭諸卒伍勿以賊衆自怯昔韓蘄王置背鬼軍大儀之戰金人望見旌纛卽走吾雖不讀兵書

然熟聞談古名將方略爾等但一心殺賊恪聽指揮  
敵卽百萬何懼哉次日早起傳令民團列高阜拔劍  
觀戰俟吾勝任其取賊所有我軍敢阻奪者斬之會  
天大霧咫尺不辨人馬賊猝至公分五道迎擊三路  
接應以二百騎繞賊尾二百騎翼進飛衝賊左右陣  
二百騎列步隊後以防回抄村民萬衆咸揚旗吶喊  
助威公率數十騎一鞭衝入垓心精選左營都司黃  
金山王新富陳應傑等帶敢死士百十人蹈危直前

刀矛相接砍賊如瓜擲首陣外諸將領四圍齊合前  
茅後勁鬪氣百倍逆稍却團民立峯頭觀者皆大呼  
曰賊敗矣賊敗矣遂驚潰自相蹂踐死者億計適陳  
玉成爲鮑軍射中肩乃引去所遺驢畜衣糧概爲民  
得奪獲帷幕鎗械不可勝紀其金幣則悉以賞戰士  
邑令率紳耆焚香載道伏迎具牛酒壺漿犒軍滿營  
唱破陣樂人人忭舞是役也值三河新敗後人心離  
邊雖未及殲渠顧東南底定收功實一大轉機耳都

公愈以此賢公官文恭與胡文忠亦交章列薦焉然賊雖受創猶不時來驚擾乃命霆軍戍二郎而自當荆橋一路二十四日鮑列隊於黃泥港賊縱橫撲來勢甚猖獗公與霆營挺戈而前賊辟易矢不及發遂潰逐北二十餘里枕屍積骸狗逆經兩次痛懲復糾合三萬餘衆直趨宿松屬之花涼亭阻河爲險列營二十餘壘公曰賊擁精銳尙成巢窟卒未可滅宜速討之十一月初七日朝曦未上命諸軍捲旗仆鼓徑

抵花涼亭周眺塹穴人各以土瓦擲填賊濠設雲棚  
火樓仰攻而上斬其塚賊數人蒸薪燔堞該逆救死  
扶傷爭奪門兔脫我軍以長鎗挑去其兜鍪大斧斷  
其臂碎其首自辰至午鼓聲不絕驅怒馬數百騎更  
番輪戰又大敗之棄屍斃衆血流成渠賊壘悉數燬  
焚狗逆平時自恃以爲強者今什損七八乃痛哭潰  
還於是復偕霆軍進規太湖移紮王家畝一帶賊一  
日率衆直犯霆營勢甚危殆鮑乞援迭至公戒勿輕

動自有法破之乃宴諸將於帳中選善謳者數人高  
歌作樂雜以盧博闔營嬉笑似與士戲然者酒數巡  
陰遣囑鮑軍明日有挾五色旗出馬隊對陣勿恐四  
漏將終筵猶未撤賊謀回謂公無備遽來夜襲殊不知  
公從營後抄出揮戈大戰須臾天曙忽見騎兵揚五  
色旗自山谷衝來左右截殺遂狂奔而散公之用兵  
不測率多類是是年冬將軍東備維揚舉弼自代以  
公留圖皖事方是時前督師曾文正以侍郎持節率

水陸十萬舳艫千里旌旗蔽空浮江東下進取金陵  
軍容甚盛然因安慶未拔太湖猶踞恐賊之掩襲其  
後各宿將謀臣均懷觀望不前故清皖尤先務已未  
春正月二日賊出城來撲公戒諸營勿妄逞俟其近  
則以西洋火器環擊之賊敗入壘追至城根斬數百  
級生擒僞指揮隆茂桂錢順華二名陣前梟決初九  
十二等日會商霆軍逼縣城爲營以蹙賊城中出悍  
股三千襲擾我師諸將謀稍遠避鋒公曰不入虎穴



焉得虎子今已進險地當使險爲吾有徑趨縣城腳  
壓敵軍而陣申令敢言退者斬賊憑墉出鬪師小卻  
乃躬擐甲冑麾帳下兵逆擊之賊大懼遁入巢堅閉  
不出各士卒削屨築登營卽日成賊亦增陴濬湟決  
上流引水入濠以與相抗急切難下會鄂撫胡公林  
翼添派糧道唐訓方率七營來合勦兵氣益揚二月  
朔諜知僞壽天福率黨三千餘竄至小池驛踞太湖  
四十里僞豪天燕率賊二千餘竄至黃泥港距太湖

六十里石牌賊城修竣更分黨五千餘竄入分茅嶺  
其前踞小池驛黃泥港之賊別竄七里冲八面環來  
應援太湖賊曰僞亮天燕僞承天侯等並在蠟樹柯  
茶婆嶺掠糧製藥運濟城中十八日晨興帶隊馳往  
賊眠未起我軍抄殺過半餘賊奔過河東天明仍率  
馬步過河追擊射斃僞承天侯逆衆失措慌逃躡殲  
甚夥焚其所擄糧芻三月二十五日東門外河東賊  
突出千餘繞至龍山宮直奔六安當飭馬隊飛勦斃

賊數人仍卽挫頓梟水渡河竄回我軍跟殺百餘因  
河水阻深未及窮追蓋太湖之形勢從龍山宮二水  
夾流環城如帶春夏水漲溝澮皆盈騎步礙難馳驟  
故兩次隨機制勝殪首奪糧而仰攻未能城池難復  
四月望前日預商鮑軍各派九成隊帶長梯戶扇持  
大斧鐵鉤火器以備攻城望日五鼓自率騎卒伏於  
龍山宮溝內鮑率憲軍伏於西南角堤下令正綰率  
精選中營列隊北門外誘敵其餘隊伍張旗鼓譟時

進時退虛作欲取之狀各路伏兵鴉雀無聲該逆堅  
匿不戰延至日中見我軍下馬坐臥咸擲戟謾罵乃  
乘其疲怠突啟北門壁出二千餘衆撲來與正綰接  
陣戰不數合且退且走佯奔向北而去逆果追入山  
口伏兵隨起鮑軍正欲豎梯登城殊太湖縣蔡令率  
團勇突出北面搖幟吼嘯賊覺其詐揮衆速回城賊  
亦卽關閉甕水掘坑以防穴隧公惜計爲所破知難  
成功飛請鮑軍撤隊正縮收所部抄過小東門乘勢

平賊壘一座殺守卡賊二百餘戮酋目五名城上傳  
呼如雷礮子雨落聲震百里我軍未敢逼攻是役不  
獲奏效雖人謀弗臧抑天未厭妖氛有以延其命耳  
秋八月公以石牌與潛望宿太四城毗連最爲扼要  
往年官軍回援宿太賊駐壘於其間近卡太湖之黨  
遠阻征皖之途彼得勢聯指臂我實患切腹心必先  
攻石牌而後太湖自下太湖下則安慶成孤注矣乃  
分兵與鮑嚴防太湖躬督馬步馳抵茶婆嶺擇隘因

山爲壘環列小營數座星分雲連聚糧峙芟爲必攻  
計又派快馬數百騎軍於適中要地通湖口水師選  
弓手以射上游遏其內竄飛火鎗以轟下渡絕其外  
援俾首尾相應無懈可擊二十六日遙望僞城牆高  
二丈餘穴礮眼如蜂房周圍深澗三道外布竹竿木  
簽甚爲牢固二十八日四更率隊馳抵石牌令正綰  
與楊朝林等由東而進周天祥李德謙等由北而進  
穆正春帶所部由南門進自揮馬隊出其不意炎燧

四舉架飛梯臨閣長鉤貫繩拔下環堙賊掣金汁砲  
亂轟密如驟雨正值攻城喫緊忽報援賊一由潛山  
來一由安慶來當派吉林黑龍江馬隊分途截禦與  
前派之火鎗弓手夾擊敗之各將士銳氣益奮前者  
傷亡後者繼進一擁而登折其塚口入壘僞城以內  
頃刻火發牆壁爲赤逆衆大亂奪路潛逃經我軍追  
斬無數寸磔僞霍天燕石廷玉揭竿懸首立將石牌  
攻拔留正紹統精選四營移壘扼堵時太湖久持不

下送奉

朝旨嚴催進兵鄂撫胡公林翼益以蔣道凝學統湘師八  
營駐其北門會同唐鮑諸軍圍勦迭有俘馘是時荆  
州將軍都興阿因足疾舉發 奏請回本任調養得  
旨允准所部兵勇交公統帶鄂撫胡公又以圍攻太湖之  
師號令必一責有專屬始能同心協力迅奏膚功所  
有綏靖鎮總兵鮑布政使銜荆宜施道李湖北督糧  
道唐候選道蔣凡軍之在太湖者



奏奉

上諭均交多隆阿統帶以一事權十一月二十四日在太湖行營恭奉八月十九日

特旨福州副都統員缺着多隆阿補授欽此十二月十五日  
日諜報偽英王陳玉成率衆上竄前隊三萬餘已至  
潛山後隊踞青草塌意將三路來援太湖並分股牽  
制石牌官兵等語公議欲先取潛山備擊援賊則太  
湖不攻自破奈獨力難支欲得唐蔣諸軍共圖亟請

於督師前侍郎曾公國藩迭函陳說皆不許乃令鮑  
軍營於潛山小池驛以當前敵移蔣營駐龍家涼亭  
自以其馬隊紮新倉保險扼吭築長壘內伏甲士外  
爲濠塹開壁門待之夜令健卒浚濠益深上布薄板  
實以土而賊不知也十七日安營甫定太湖城賊突  
出三千餘直撲蔣營經各軍奮力擊退賊見公營無  
備謂可襲取遂向潛山飛奔而來公靜以制動毫不  
措意逆剛撲至壕邊號礮四震伏甲齊出從尾包抄

板墜土崩半墮陷入塹中灌以鐵汁脂葦焚斃多名  
生擒數人訊供僞英王陳玉成斜合捻匪龔瞎子張  
落刑率巨股十餘萬分道援太其兇黠倍踞黃梅時  
蓋玉成恥其屢北故結金陵老巢諸酋來決死戰二  
十一日親往哨探遠望賊衆枕山據嶺在地靈巷夾  
道東西兩岸築壘於泥汊中憑險以礙馬足薄暮忽  
出大股數千沿山而下猛撲霆營鮑軍欲迎擊公力  
爭曰天色昏暗且谿徑叢雜慮有伏焉此賊來如飄

風必將求逞於我以洩其毒幸而勝可以擒渠萬一  
或挫則全局皆覆矣宜稍避以奪其氣別設長策圖  
之鮑止而逆攻不已驚報頻聞公恐靈軍失利遂約  
商翼晨兵分三路接戰一喀爾庫馬隊會靈字五營  
攻其西一正綰率精選飛虎等步軍會西林佈馬隊  
攻其東一金順巴彥杜楞馬隊會湘軍四營攻正中  
而自督騎步居中調度逆見我軍齊進立即解圍竄  
去公手揮令旗各營攘臂突前風追電擊聲振屋瓦

乘勢尾逐上山壘中悍黨層列環排如壁立萬仞屹  
然不動未易攻拔詎東中兩路馬步業已馳抵地靈  
港逆阻壘放鎗震天駭地各將卒拚死衝鋒一躍而  
上其東岸賊巢十一座全數踏平斬殺無數適山嶺  
援賊大至西林佈馳往截擊而賊圍愈衆連被數鎗  
力竭陣亡維時西岸賊壘亦經喀爾庫同馬步連踏  
數座賊向山後潰逃喀爾庫且追且殺追過山峽被  
伏賊礮轟捐軀然我軍雖有傷亡而勇氣彌增再接

再厲自辰至申鏖戰五時之久毫無怯退因天晚鳴  
金收軍計殪賊不下六七千斃其黃衣逆首甚多生  
擒四十餘名奪獲偽印數十顆惟狗逆兇狡異常經  
此次重創仍爾狼心不悛嘯羣負嵎兼之山路崎嶇  
防不勝防跋前疐後兵力形單遂咨請鄂撫益師助  
勦胡公林翼抽調宿防督標新前右趙克彰朱希廣  
兩營移堵太湖東門以遏賊竄玉成時來窺伺忌寔  
左營之扼其衝也於高山築礮臺圍轟環擊子聲雷

震士卒循牆蛇伏樵採不通瘡痍滿目鮑商於公請  
以他軍易之乃命正綰楊朝林等各分軍半代戍其  
壘移震左於震中營暫行休養更以王可陞繼其後  
復派敢死士百人潛襲上山掩殺守砲賊又見蔣鮑  
兩營離遠恐賊乘虛擣入急抽營彌其隙竟於干戈  
若林之際築壘當賊衝間以蹙其喉該逆力窮智竭  
狡謀難逞遂相持至於歲暮除夕鼓鼙沸野各然雉  
炬狼烽將士目不交睫束甲佩戈公坐胡床傳契箭

雪風裂肌骨危立達旦不少休蓋自行軍來未有如  
此之艱瘁者也

冬忠勇公勤勞錄卷一終



多忠勇公勤勞錄卷二

中江雷正綰纂輯

蘄州夏允升叅校

隨州劉寶國編次

宜城彭體道  
江甯胡得成監修

庚申十年春正月公思小池驛不爲我據則潛山莫  
下太湖亦難規取慮霆左營之孤峙而未可與爭險  
也乃商請唐營移戍於蔣鮑兩軍之中以資聯絡而  
疏餉道檄王可陞率精選右營駐霆左之旁令霆左  
仍駐原壘拊背搃吭以制賊命該逆盛怒來鬪欲奪

其隘各軍奮與之戰排鴛鴦陣勢乍合乍分變化倏忽賊不敢衝撲疾迤山根而竄我軍馬步跟追前去如拉朽摧枯立斬千級時已向晚密箐深林兼人馬困乏未便窮逐收隊回防所修之營亦卽日成初十日派正綰移所部往紮小池驛十二三等日復令楊朝林率精選前營輔以趙旣發勝勇營均扼堵驛之南合會霆軍手臂相依冀收夾擊之效是時兵力漸厚壘砦亦堅而芻糈之道暢通聲勢頗壯賊愈惶

遽連日出大股來攻撲或謂賊勢勝恐不敵盍小避  
其銳俟兵集而合殲之公曰今存亡若呼吸待大軍  
至則險爲彼有矣將在謀不在衆寡遂誓師而鼓之  
曰彼多而囂我少而整何敵之虞勉之衆咸奮圍旣  
合公橫槊引鐵騎數十乘馬馳下直出賊陣斷其中  
堅手格殺黃衣酋數人迴環搏擊所向草靡流血丹  
渠藍斯明復以猛士數百壓其後賊駭而亂相蹂遂  
大潰由是震營糧餉隨時護運無梗會天大風雨賊

乘陰霧四塞潛移其巢於羅山衝白沙畝一帶謀與  
太湖城賊勾通分股繞犯牽綴官軍且伐樹爲柵灌  
水淤田設險以陷騎兵又抽城賊之精悍與粵捻之  
健戰者得黨羽數萬環山西逆捲而下搭草房布棚  
三十餘壘憑高陵下意在先擊霆湘各軍以剪其翼  
二十五日公命正綰率精選各營匿山谷俟我軍列  
陣先搜殺伏賊自率馬隊并開化飛虎勝勇親兵建  
威督前右等營各步隊鮑率霆字五營唐率訓字七

營蔣率湘軍八營朱率湘軍七營均黎明取齊移營  
逼賊賊之黃蓋紅旗彌山漫谷蟻聚蜂屯馬賊飛馳  
尤爲兇暴公揮步隊誘之賊果分股來戰我軍驟起  
回擊蔣凝學橫截之唐訓方尾抄之朱品隆扼於右  
寔字營過其前而自以騎隊衝堅陷陣從中路殺入  
正綰以步隊從山谷殺出遂大敗之梟賊三千餘衆  
陣斬黃衣馬賊及長髮老酋甚多奪獲騾馬百匹器  
械旗纛不能數計生擒壹百有奇趙克彰等并擒獲

偽庶天侯麥烏富僞軍帥旅帥巡查汪遂林陳得勝  
曹正太等二十七人軍前正法是晚公集諸軍面籌  
謂今日之役賊膽已寒宜乘勝急攻之若稍休俾得  
徐養其銳則死灰將復然遂定三路圍擊之策二十  
六日卯初出隊東路爲小池驛鮑率霆軍及趙克彰  
朱希廣各營出其左唐率訓字七營出其右而以吉  
林黑龍江二起馬隊繞外以擒竄賊西路爲羅山衝  
朱品隆由衝西進蔣率湘軍八營由衝口進以吉林

六起黑龍江九起馬隊繞外以擒城賊中路則正綰  
之精選等營與飛虎開化勝勇建威各步隊備進攻  
而自率吉林黑龍江八起馬軍在後策應遙察形勢  
自東堰口循山而西周圍袤廣二十餘里賊巢賊館  
密若列星逆首陳玉成踞羅山衝山內悍酋健馬萃  
此尤多正排隊鳴鼓間山賊一齊擁來層布如雲壓  
軍而陣勢甚兇橫各軍奮厲突前爲飛樓障以木幔  
築土山臨其上逼攻衝外之壘賊架彭排禦之機弩

飛石擲如雨點公思山賊不破則壘賊難平遂督中  
左兩路併力攻山騰拏直上連破衝口賊卡朱品隆  
越山而進層層殺上正縮揮步軍隨馬隊由賊壘鎗  
砲之中衝突而前各將士裹瘡蟻面毫無退志賊不  
能抵敵紛紛敗逃衝外衝內兩面奮擊殪屍屬道血  
盈澗谷霆軍復由東路殺來唐訓方亦由右面斜刺  
而出前遮後逐三路乘勝合攻追入賊壘時值東南  
風緊火弩火礮觸處卽然俄頃賊柵賊館延燒七八



里風利火猛燎及山腰烈燄蔽空樹焦山赤大小賊  
壘一百餘十座須臾胥平棚館數百處亦無一存者  
斃賊七八千名生擒三百餘奪獲鎧仗鎗械積與阜  
高撤隊回戍夜已二鼓料該逆收合餘燼勝必仍抗  
敗則遠遁因派馬隊預伏於桃花鋪要隘攔頭邀截  
并約各軍馳抵小池驛乘機掃盪盡絕醜類逆果深  
宵竄來不虞伏起大驚皆股慄魂飛經我軍抄殺無  
遺骸枕山谿溝渠腥紅直抵潛山城下而止其由太

湖逸出者亦經官軍追至小池驛擒賊不少我軍大捷之後小池太湖餘賊竄入潛城者萬數千人與賊合力阻抗公復會商諸軍以霆軍訓營搜勦各山匿氛自率馬隊同蔣軍與趙克彰朱希廣李雲麟各營并約會葉兆蘭督率團練乘賊大創驚魂未定輕騎裹糧逼城而壘以六成隊整旅而行以四成隊押護輜重已刻抵潛山進薄城下賊乘我壘未成悉衆轟撲正綰以步隊并建威等營攻其左蔣以湘軍八

營暨新前新後兩營攻其右而自統騎隊直搗其前  
馬步齊進殪賊甚夥以屢勝之雄兵摧亡魂之小醜  
勢猶黃河灌熒立見消滅逆奔潰先以練勇襲其尾  
益以馬隊截其首使之無路可歸賊見巢穴旣失不  
敢入城豕突狂竄沿途死者如積直追至青草壩而  
還竊維太湖一城四面阻河北接蘄羅西亘黃廣爲  
入鄂門徑安慶在其東南霍六在其西北舒桐巢廬  
襟帶相聯近可以越彭澤遠可以達江浦頭頭是道

合圍非易實爲東征第一關鍵自髮逆重踞其中陴  
堞增高塹濠倍濶密排矢石死拒經年我軍俯鑿仰  
攻均難著手况潛山又接壤太湖依水爲隘賊自八  
年復踞以來鍛戈峙糗隱若金湯倘非大破外援不  
惟久稽顯戮亦將狡焉思逞今連戰而勝羣首授首  
渠寇藍矮子殲於陣玉成爲之氣奪傾巢遁太湖下  
潛山亦因以拔旬日之間大秦奇捷洵軍興數年以  
來僅見之戰功也胡公林翼 奏稱公統籌大局謀

勇兼優措堅陷陣所向披靡語非虛已捷聞

天子嘉績特賞頭品頂戴各將士論功有差先是我軍獲  
玉成細卒搜出蠟書偽表稱言臣奉天朝明命征討  
妖孽所過破巢壓卵無敢撓鋒惟多某老謀善戰用  
兵如神臣與對陣屢爲所敗今百萬精銳悉遭頓挫  
自料力不能敵乞飛派幹員接統臣甘願受指揮云  
云公佯笑以爲僞叱而縱去并導之出疆各將領問  
故公曰髮渠所恃者狗逆耳今玉成旣畏我使諜者

賈原書回報各酋聞見無不寒毛惕伏兵法所謂先  
聲奪人自然瓦解者也後與賊戰果如其言皆望風  
先潰其威名震疊如此自潛山太湖克復逆復嘯聚  
殘氛退踞桐城分黨四掠以撓征東之勢公於閏三  
月十九日自策輕騎踰青草塢次梅樹街潛望賊情  
見逆衆在西北連築三壘河曲環城水漲地窪旣未  
可掘隧火攻又難於雲梯仰拔惟有據要險縱詭聞  
乘虜隙時出奇兵掩襲始能所向克捷乃分隊駐范

岡姬公廟爲前敵駐唐家新屋大小麻嶺扼通衢駐  
望鶴墩棋盤嶺龍華堡與各營互相聲援又派騎兵  
戍武昌嶺馬鞍山陳家棚備後路以制其顛越時安  
慶業已合圍公思若不速取此城坐令援賊雲屯則  
留不得志退有所忌我師徒老反難成功七月十六  
日復分馬步由掛車河進扼城之西北是夕賊乘我  
壘未堅於三漏靜出死酋數千趁月色昏黑分三股  
陰來劫營殊我軍已早戒備預伏壕內吹角爲號賊

將近壘萬角齊鳴伏軍突起抄擊過半暗中不辨人  
影驚惶無定自相矛盾斃者不知凡幾餘仍敗退入  
城我軍營立穩後隨派馬隊輪防一面馳往東門之  
呂亭驛斷其糧路遙窺城中形勢十分嚴密僅西北  
角求雨嶺有東西橫嶺一線高三丈許曲懸如弓登  
高俯下虜在目中山前更有一小岡地名毛狗洞該  
逆攀蘿附葛而上於半腰築石砦一座墻厚一丈有  
奇高倍之周圍石壕深濶皆二丈餘內設木城五外



列木城八複檻層樓上聳雲際鹿柵竹籬密布如蝟  
毛設大小機礮二十餘尊山形峭拔壁立千仞雖天  
塹海嶠不過是也賊復於宜民城外及西門根修甃  
壘水堡各一亦設礮十餘座與石砦相聯環最爲險  
固官軍若近求兩嶺則三壘連放子母礮如星光亂  
迸人馬不能暫立乃於十七日平明督步隊入營繞  
過山後之屏風嶺地尤峻險壘猝難修當派馬步十  
二營以其半合築山砦以其半備擊城賊引衆據高

設槍壘自環遏其奔軼賊伺士卒困乏擁出悍股二  
三千分途來犯經各營擊退公以仰攻維艱徒損精  
銳無裨須設計窘之因派騎卒列隊僞作攻城狀賊  
匿不出乘勢卽分軍由求雨嶺後以搗其背昏夜中  
趕修砲臺次日天曉臺築竣并於嶺之左右各築臺  
一以護之賊望見叱以爲神急率衆連夜攻撲均經  
擊敗十九等日命彭體道雷洪亮派各營移將軍礮  
百十餘尊於臺上向壘賊及城中不時轟擊該逆匿

首鼠穴不敢伸露公見漸形疲殆有機可乘先遣雲  
梁廣數十丈施大鞬濡氈及革冒之周布水囊爲障  
指壘東北構木廬蒙革環置之運薪土其下將塞隍  
分二十道進攻先伏奇山左以制北門再列陣山右  
以防西南二十六日寅刻傳隊直撲賊巢賊火鎗飛  
礮四面齊發如風片雨絲我軍愈戰愈勇拔毀木城  
數道猛抵濠邊架雲梁百級猱升而上僞豪天燕豫  
天燕見勢危急手刃退縮之賊拚命死拒刀矛蝟刺

各將士前傷後繼毫不却步忽由便民門北擁出援賊千餘經山左伏兵馳擊悉敗入城其時東南兩門援賊亦經西路伏軍擊退遂得併力攻壘勢如潮起火燎該逆不能抵禦撲壘狂竄自相顛跌死者甚多其下水堡之賊膽落欲奔亦經得勝之師頃刻踏平所奪軍械鎗礮無算自毛狗洞破則桐城全勢瞭如指掌遙望西北隅有隙可開隧道八月十三日先揚隊城下潛遣勇士數百携鑿斧手戟各掘穴深入冀

安放地雷轟之并命各馬步壓城而營賊知制其喉  
舌選慣戰老酋捨死衝突城上大砲環施官軍不能  
駐足暫撤隊回孟冬月朔二日諜報僞英王陳玉成  
聚集定遠六安股匪勾結捻匪龔瞎子孫葵心等各  
率兇渠悍黨號稱十數萬自舒城廬江等處上竄狗  
逆已入桐城等語次日飭彭體道帶戈什親率馬隊  
前往察看逆果於縣屬西南數十里之望鶴墩香鋪  
街尊土庵棠梨山等築壘四十餘座包絡山岡匿踞

民房圖解安慶之嚴蓋玉成眷口在圍故屢糾醜類  
以拯之公預料援賊必大至先營於掛車河西嚴陣  
以待十四日逆衆傾巢來攻排一字陣於河東以誘  
致我師各將士按轡徐行默觀動靜詎賊見官軍出  
壘卽踰河接戰當派趙旣發率勝勇營藍斯明率飛  
虎右營悉力迎擊而命彭體道持令箭在後督飭有  
敢後退者斬糜鬪移時賊力屈敗回河東其大股亦  
卽收去殺三百餘賊鋒爲少挫比因天色昏晚未便

久持遂亦撤圍二十三日陳逆復率捻匪於掛車河  
望鶴墩處增築巢壘公曰今賊壘於要害乘其未固  
擊之事半功倍且此險一奪彼無隘可爭我得從容  
振旅鼓銳而前猶以沸湯沃雪耳遂派親兵開化精  
選前三營由中路進正綰以中左兩營繼之飛虎中  
左右三營由左路掛車河出擊勝勇年字二營繼之  
茂字義中新左三營由右路老梅樹街出擊精選右  
營左仁營繼之均列隊河阪忠字建威新中新右等





馬隊飛騎撲勦親率吉林八起從中衝出隔斷賊陣  
鎗箭環施鼓角齊鳴逆黨七零八落驚惶亂奔悉潰  
入巢天晚收隊回營共計三路殲賊千餘生擒老賊  
十八名奪馬七匹器械無算賊受兩次痛懲仍敢嬰  
城固守以圖久踞二十四日函商安徽臬司李續宜  
請將青草壩一軍留三成隊守營以七成隊移駐踞  
梅樹街之小松園一帶分布扼防次日公率馬步大  
軍張旗列隊誘敵李續宜一軍捲旆埋伏於老梅樹

街新安渡各處詎該逆閉壘不出當派馬隊搜勦四鄉潛匿民舍之賊斬擒多名迨至初更始擁衆出巢值逆風大作走石飛沙塵埃眯目火器莫由施放未能攻擊兩軍各撤隊回賊亦退去二十六日賊於新安渡突出圖犯湘軍小松園營壘公親率馬隊馳援兩軍協力夾擊傷殺甚多二十七日復親赴李臬司行營面籌機宜約以一軍由掛車河擊下一軍從新安渡擊上俾成夾攻之效二十八日詔朝令石清吉

率飛虎中飛虎左兩營藍斯明率飛虎右暨新中營  
楊德峻率新左營朱希廣率新右營由中路出圍攻  
望鶴墩賊巢八座該逆嬰壘匿伏我軍且圍且攻爲  
牽綴之計令正綰率精選中前左右四營曹克忠率  
忠字營梁洪勝率義中營爲左路由掛車河繞至廖  
岡搗襲賊尾令余福象率開化等營黃勝日率左仁  
營李雲麟率建威營由右路出擊溫德勒克西等率  
吉林二起黑龍江四起西丹由掛車河直至范岡更

出步軍之左抄賊後路金順等率吉林六起黑龍江  
八起馬隊爲各路策應雙福率吉林八起隨湘軍會  
勦部署既定分途前進而躬率右路由棋盤嶺望鶴  
墩之右直趨香鋪街沿途打館之賊經其直截橫衝  
霎時屠戮殆盡維時李續宜已破棠梨山等處賊巢  
提戈馳至與各營會合裏賊垓心正酣戰間正綰率  
左路七營由廖岡温德勒克西帶馬隊自范岡均從  
後面齊至各兵勇奮氣倍增諸路並進刀鎗躍舞如

風振秋蓬斧伐朝茵輪戰三時之久賊屍填委血濺  
成渠其逃出餘匪雉竄鹿奔驚塵接於雲表向天林  
莊遁去被騎步各營追殺二十餘里石清吉中路等  
營亦破賊卡四座殲斃罔遺綜計是役奪其礮二十  
五尊騾馬三百餘騎擡鎗烏鎗旗仗不可枚舉殪賊  
八九千名其撲河墮水淹者又二三千名生擒長髮  
慣賊壹千三百餘解散脅從一萬三四千有奇破賊  
館百餘處燬賊巢四十餘壘初玉成之來也氣燄甚

兇所將皆驍果倒海排山方謂滅此朝食力洗前恥  
不虞我軍以銳當驕合諸道爲大圍若竭水屠鯨臨  
穿扼獸不匝月之間腥風毒霧一掃而空自是垂頭  
喪氣敗退廬江桐賊亦閉城雌伏不敢犯鋒露布馳告  
溫綸獎慰多隆阿與李續宜和衷共濟出奇制勝實屬調  
度有方著賞穿黃馬褂欽此狗逆自潰竄後以皖圍彌  
緊江甯又被久困進退失據積憤成怒遂收集餘灰  
復於是年冬糾合僞玕王洪逆僞璋王林逆僞前軍

主將吳如孝及黃老虎等衆號十餘萬旁繞英霍伺  
釁乘瑕眈眈欲動意圖上犯楚疆牽掣官軍使之撤  
戍回援愈追愈遠彼乃風馳雷迅揮戈返戰以解安  
慶之圍殊公早悉詭謀按軍不動先派李雲麟率建  
威等營彭體道率介正介副兩營駐防潛山旣而令  
趙克彰帶新前步隊換回彭體道所部於大營操演  
仿明戚繼光六練法逐日訓厲萬衆一心無論有警  
與否常以遠烽埃爲務出必爲戰備入必堅營陣屹

然時若長城賊屢來稟不可犯亦無如何辛酉十一年春髮逆分黨竄鄂經武漢官兵擊敗仍由蘄黃回竄宿松窺伺太湖大營後路見我軍守禦精嚴不敢鋌走由八里岡下岡店繞竄桃花舖一帶時三月十三日也當派金順溫德勒克西率騎士馳勦賊先以小股誘戰後以大隊乘之公見衆寡懸殊且新來氣正銳猝難力爭遂傳令暫退折回茶漣嶺扼駐以逸待勞狗逆遂乘宵遁竄出石牌已在我軍之前因思



賊多如蟻遠來糧虛利在速戰而我師少力單未可  
角勇徒爲鷓蚌之持轉覺罔裨卽令撤回武昌嶺堅  
壁以疲其衆別以術勝之賊伎倆無所逞徑下竄安  
慶矣十八日公移軍次集賢關上年征玉成時是其  
熟路知新安渡練潭水淺可揭賊必由此偷涉與狗  
逆聯合乃先於上流用鐵釘本柵布門壁數百扇絕  
河載土囊遏水將俟賊渡決流以灌之并以勁卒守  
河之提橋築偃月壘扼賊奔道派正綰王可陞率精

選四營躡賊後牽綴其尾俾圍安慶官軍得以穩守  
待援令馬步各旅挑出七成隊以三成隊交副都統  
穆圖善留守老營以趙旣發曹克忠王萬年等披堅  
執銳馳往迎攻而以馬隊爲懷桐兩路策應念一日  
五更親督騎步進駐高河鋪掘水而軍次日謀報林  
紹璋洪成玕吳如孝等率衆二萬餘竄至橫山鋪蜿蜒  
三十里長殺氣凝空迭出挑戰我軍鎮靜以伺陰  
伏千人將以掩擒日午諸驍將奮呼突前草木聲驚

正綰由中路抄出王萬年等由山背襲至前後夾擊  
屍橫遍野其逸賊爲追軍所迫果由馬踏石撲水潛  
遁被上游洩泉淹其大半其奔入鴨子湖灘與天林  
莊者亦經伏兵俘馘餘向汪家河竄去乘風縱火先  
燒折浮橋以阻追兵我軍鳧水擁過西岸逆衆慌亂  
赴水死者不可計河水爲之不流所擒老賊三十一  
名均梟懸藁街奪其僞印旗鎗無算是役賊氛大挫  
膽益寒不能顯與抗矣適曾文正命其弟國荃督大

軍圍勦皖賊探悉我師連捷衆心彌固狗逆竄往合  
攻計無所施二十四日仍拔營回駐高河舖并抽調  
步軍進援安慶二十有六日據營務處穆圖善報稱  
偽璋王林逆僞主將黃老虎僞佐將李遠繼同搶匪  
旄天福李縕太等率黨羽二萬餘由天林莊賊巢直  
奔掛車河穆派馬步隊伍整齊排列於河西巖陣以  
護老營逆觀望徘徊不前迎戰我軍亦因兵單力薄  
未便出擊相持至日中賊始譁而散仍竄回老巢盤

踞公曰賊揚隊掛車河不戰而退勢將復由練潭馬  
踏石竄過以通狗逆兼抄制我高河舖後路耳然而  
伎倆止此何能爲役宜伏險示弱以誘之令各營仍  
扼堵不移別派騎隊駐岡子嶺樹旗高阜以斷狗逆  
之援命正綰率精選開化等營分伏於山之東西隘  
道戒之曰賊敗過東伏則大呼擊之西伏亦大呼應  
之勿遮道勿留行俟入於險途隨而兵之另選笑將  
健卒數百名持弓刀瓦石躡賊後聞兩伏呼聲亦應

而追焉又遣楊朝林金順等以騎步各伏於新安渡之左右岸北檄王可陞等以老羸丁夫千餘僞敗以致敵待其近渡則翼而邀之殲諸河分撥已定念七日五漏將沈親率馬步由新安渡進該逆亦從彼處鶻起而來我軍故作疲情且前且却該逆初猶持重未敢深入繼四望均無大隊遂揮衆挺戈狂追將誘至河邊岸北伏兵齊出圍逼賊無退路墮水者紛紛餘向山岡逃去復經東西伏抄截呼嘯風生弓聲刀

響雜瓦礫俱飛如簸塵散灰天地爲之易色斬首二  
千餘級撲崖死以千計傍晚收軍無一傷亡而是日  
賊並分股萬餘列於掛車河東穆圖善當派步軍三  
隊出擊以騎乘居後守老營該逆恃衆逾河穆親督  
隊分勦轟殺多名勢不稍却遂搖旗揮士一鼓作氣  
圍殺三時之久賊見新安渡巨股敗歸始慌迫潰遁  
斬馘亦八百名剛擬乘勝長驅逼取天林莊賊窟詎  
春雨連日大水泛溢河深數尺莫能揭厲兼泥濘路

滑騎步皆爲陷跌不利軍行乃暫休士養銳公晝夜  
焦思傳宣諸將入帷幄面諭之曰新安渡距天林莊  
中隔兩河今晴霽水落若不蹈險履危逼近賊穴雖  
屢獲捷仗而根株未拔猶得徐長亂萌也昔韓信背  
水一戰項羽破釜沉舟皆置之死地而後生以寡勝  
衆無踰於此吾籌之熟矣擬令我軍皆抽選勁健移  
營過河近據其腹而遙擣其背此猿臂勢也爾等其  
毋畏縮皆唯唯諾夏四月二日率馬步二十營均由



新安渡鳧水而濟爨具帷幕各將士以首舉之登岸  
分左右路進紮逼賊巢二三里許逆見來勢兇猛知  
難抵禦皆望風棄壘而逃當將賊壘焚削卽令左路  
馬隊仍回掛車河老營時大雨傾盆公親率中右兩  
路沿途冒雨而歸其派躡擊騎軍直追至孔城殺賊  
五百餘遺孽向廬江三河舒城逃走是役也虎黨雖  
未聚殲而徇逆外援已絕我軍剿辦不棘手矣初八  
初十等日由高河舖移營於磨山逼圍賊壘公遙度

賊情知狗逆三日內必由馬踏石湖泗水偷遁卽飛  
函鮑軍密約成鎮大吉及水師蔡三元等分道嚴防  
派溫德勒克西率馬隊由黃馬河抄橫山舖大路調  
金順領馬隊伏新安渡抄鮑家大橋均俟賊至邀襲  
面授正綰密策使於高峯朝夕瞭望遇狗逆遁時督  
兵首尾截殺井然烽揮旗飛報前來次日午刻狗逆  
果由石湖涉水潛竄公望見山頭燧火凌霄紅旌飄  
蕩立率馬隊飭彭體道催各營出六成隊馳進磨山

曹克忠督領四營由間道先行趕上該逆已抵湖邊見追兵尙少遂與格天義陳時永縱死黨六七千衆迎流決戰曹克忠列陣河干羈制不使賊奔俄而各軍躡及狗逆前當勁敵後阻湖水驟難越遁卽拚命回撲我軍奮勇前衝鏖戰約兩時許該逆大敗以戰爲退咸鳧水爭渡溺死無算各將士乘勝逐北抵河岸因日暮途歧未便窮追皆卽收隊三更回營溫德勒克西及金順馬隊至次日平明追及鮑家大橋該

逆踉蹌奔逸經金順等殲斃六百餘人直抵蔣家山  
賊巢羣寇如毛悉出壘迎護狗逆入城我軍始整旅  
歸十四日陳玉成復糾林紹璋洪成玕黃文金陳時  
永暨捻首孫葵心等髮捻各逆三萬餘衆馬賊四五  
百騎復圖併力上犯由掛車河媯姥尖之巔斜迤棋  
盤嶺列隊二十餘里於江家橋閻家雙墩麻子嶺等  
處築壘八座餘賊於壘後項家河一帶紮散營四十  
餘處是日狗逆亦率凶黨數千由山內破焚黃家鋪

團卡據邏者獲奸細供稱玉成破團卡後仍出山外  
調黃文金四千餘人隱伏山內欲分三路圍撲官軍  
一由黃家舖繞出青草壩一由新安渡直攻高河舖  
玉成自率大股出掛車河公乘其布置未定先發制  
人十五日卯初派馬隊伏於棋盤嶺伺賊出隊卽馳  
焚其壘并燒項家河散巢復派馬隊伏於老梅樹街  
之左俟大軍進攻卽由范岡出抄賊尾又派步隊二  
營伏於老營後大山下三路設伏去訖另以五隊繼

之以石清吉等營爲一隊出右路以余福象等營爲二隊出中路以譚仁芳等營爲三隊出左路其四隊列於掛車河山口以遏山賊撲襲我後者則正縮之精選等營也其五隊出列畝中爲左中兩路策應者則姜玉順之馬步等營也均於黎明雁序而進甫至河濬飛騎報稱賊已分三股撲來左爲陳玉成陳時承衆約四五千右爲林紹璋孫葵心衆約萬餘中則洪成玕有衆七八千人由雉鷄塔江家橋而出巨股

並列逆壘前自以爲豺牙宓厲不搏噬不厭耳公當  
飭第一隊應璋逆擊其右第二隊應玕逆擊其中以  
三隊應狗逆擊其左餘四五兩隊擐甲靜伺賊衆猛  
撲前攻漸逼漸近我軍分途接仗迴環轟擊鏖至三  
十餘合逆不稍北正酣戰間敵陣忽亂溫德勒克西  
率伏騎馳入賊右各官營銳氣陡增併力夾攻敗之  
賊潰入中路我馬步卽斜抄中路之後賊又潰入左  
路我軍亦併歸向左迎頭截尾陽包陰互將逆圍裹

陣心如獅子搏象用全力制之玉成右突左衝無隙  
可出情急彌憤思於死內求生乃搗督敗賊猛拒忽  
山後紫燄轟天兩伏騎已將項家河散巢縱火焚燬  
狗逆愈慌亂奪路先逸餘衆隨潰各將士踴躍齊上  
弧矢雨發鋒蝟斧螳無與爲敵賊傍山向桐城遁去  
公飭姜玉順開化營及吉林西丹進列河東壓制賊  
壘並飛檄正綰所部由掛車山口進勦以搜黃家舖  
山內伏賊一面督各馬步跟踪追殺約五里遠會舒



亮等焚巢各伏騎軍亦橫抄而至么麼不敢跳梁爭  
埋頭狂竄伏屍盈道其江家橋麻子嶺壘賊仍踞未  
動併飭各營逼攻一鼓殲旃拔其木城四道架肩緣  
堞而入擲點火箭松炬斯須八壘光騰馬步從後殺  
出環巢圍勦壘賊無一漏逃時正綰偕曹克忠早抵  
黃家舖與黃逆交陣逆亦敗竄乘勝將山內賊館悉  
數焚然濃烟密燧布滿豁谷髮捻幾爲盡誅蓋玉成  
屢舉入寇希解皖圍皆爲我軍所敗今糾集丘璋黃

孫四渠附之以健羽殆有長河趨下沛然莫禦烈火  
燎原不可嚮邇之概向非公五戰勝之則安慶大軍  
動搖全局尙可問乎鄂撫胡文忠 奏稱謀勇兼全  
忠勤尤著兵畧精審雖古名將無以過之旋有  
詔褒美著幫辦軍務自是公名重華夷而

朝廷亦倚若泰山矣六月十四日探稱狗逆親統巨股  
數萬過舒城之張母橋其大隊卽由霍山越嶺繞奔  
太湖之野鴨河進攻太湖二十有五日偵聞璋逆率

悍賊二千餘上擾掛車河公思逆等新敗猶匆遽收  
召亡命來與尋仇是必因飢無掠乘此秋穫將登四  
竄收稻我軍若分護田禾彼卽由集賢關毛嶺菱湖  
繞趨圍皖官兵之後力拊其背以解安慶倒懸遂一  
面飛函水陸諸師一面嚴厲所部各防要隘不許移  
動一面檄各地方官紳調團練會同大軍截賊刈稼  
并派馬步十營迎擊甫過掛車河逆猝見我鉞旄卽  
曳衆回遁公揮軍尾躡直追至城根殺賊二百餘生

擒老賊六名訊供狗逆與僞輔王玠王等密籌以僞  
璋王及黃老虎吳如孝并擒匪伏踞桐城廬江等處  
遙制掛車河官軍狗輔玠各逆卽由山路徑竄英霍  
繞趨潛大夾搗征皖之師二十七日賊目黃老虎自  
廬江竄至孔城金神墩一帶果與璋吳兩逆率黨四  
五千衆帶腰鑣手戟潛至天林莊搶割稻穀公平明  
獲諜卽預派步軍九營由棋盤嶺進蔣家山斷賊歸  
路另派隊執利刃洋鎗遙伏於禾疇深處從尾襲掩

擊其情歸然後以馬隊誘殺而自率親軍登高觀陣  
賊見騎兵翼進悉棄稻整戈迎拒頗形猖獗我軍時  
離時合將誘近蔣家山口後路伏田勁卒虎吼殺來  
前路步營一齊衝出截尾攔頭兩面兜擊四鄉團民  
聞警亦伐鼓鳴鉦相助聲音礮聲震盪日光逆衆魂  
寒心碎豕突狼奔被馬隊追薄城下共殪賊五百餘  
俘獲十一名分別梟釋旋據報稱前踞英山股匪已  
繞至蘄州屬之張家塆檀林河勢欲竄出太湖六月

二十九日并分賊十餘潛探城中虛實午刻來賊萬  
衆盤踞三里墩八里岡一帶公親率數十騎潛往察  
看見賊約三萬餘館棚綿亘如魚鱗鳥翼層布密排  
當飛飭各防營加意巡哨毋稍疎虞數日賊靜無譁  
至孟秋初七八等日狗輔兩逆各率匪號稱十萬自  
英霍上趨犯太湖由潛山下竄於清河三橋頭高樓  
嶺列巢四五十里公曰安慶賊巢窟今大軍掘其根  
本危在旦夕不急攻圍皖之師而趨重於我者蓋所

以餌敵也將欲取之盍姑予之故舍彼圖此使不爲  
防則突如其來易若探囊耳此聲東擊西攻其不備  
之謂也宜佯敗以勝之但玉成黠甚曩者屢中吾伏  
遽誘之未必來今吾詐寢疾不出督軍彼若邀戰則  
堅閉以驕之羸師以張之俟其氣竭旣列陣始而亂  
伍再而靡旗如此數四狗逆信吾真病必將狂追吾  
向視馬鞍山險道也致之於彼可聚族而加束縛焉  
且聞皖圍已堅城中羅掘早空其醜類望救如焚窮

三才圖會卷之二  
三  
蹙萬狀若援賊茲不得逞則內患彌殷滅亡立而待也玉成失家方寸瞽亂當不日爲俘囚汝曹識之諸將唯而退初九日逆酋林紹璋吳如孝等率黨七千餘由城西直衝掛車河黃老虎亦率黨七千餘由城東繞至姬公廟均橫槩兇撲漸逼近濠壘前各營偃旌卧鼓閉關不出賊衆肆詞辱詈亦靜無人語逆首不敢攻拔傍晚以次回巢翼日復來撲營我軍徐徐列隊戰不數合卽佯北或前或却賊恐其詐勒騎不



追亡視良久刀矛復接須臾又敗退賊仍不追相持  
至亭午始各罷去越三日璋吳二逆依前挑戰我軍  
仍出相迎兩下剛交鋒石清吉撥馬便回各士卒皇  
皇亂馳步伍凌雜旌旗靡漫吳逆揮衆欲追璋逆呵  
止之仍各收隊是夕賊邏者獲我間諜謂公疾篤不  
能軍各將士無節制故營陣散亂是易與耳璋逆聞  
之喜以告狗逆遂於十一日詰朝督率巨股隨我軍  
間諜導引徑出掛車河直搗大營公令曹克忠譚仁

芳等十一營從左路迎擊命正綰趙旣發梁洪勝等  
從右路迎擊賊併力攻撲數次不能前我軍兩路衝  
突逆勢不支棄械狂奔正綰躡至城根賊黨不及入  
城向蔣家山外巢遁走城賊見勢凶猛匆匆分股由  
西南東三門出阻我軍適曹克忠等步隊早起至城  
下公自督騎兵亦追及前來乃分軍截禦各門遣正  
綰速進蔣家山馬鞍山遏戰外賊該逆憑牆死拒乃  
揮衆直前超投桀石環放機鎗猶大風吹疾雨瞬息

烟塵漫空一呼衝入拔毀木城數道火箭亂飛壘中  
草棚布幕頃刻火發燒延天紅賊衆冒燧窮竄焚斃  
殺死積屍如垤隨將散巢棚館二百餘處悉燬時城  
賊經各騎步截勦亦大敗逃入城上遍豎旗幟刀鎗  
林立比因天晚未便進攻整隊回營士卒無一創亡  
是役計殪賊三四千衆俘擒甚多是日馬步連環振  
旅唱凱回營夜已二漏公宣正綰與王萬年陶茂林  
曹克忠等入帳面授戰守之策并諭金順蘇倫保預

率騎隊擇要埋伏令彭體道選各營號令手百餘各携銅角一具隨持火器於四更後潛藏東山頭賊壘左右合聲齊吹俟其驚擾自有破賊法密諭去訖天將五鼓急飭各號令齊發銅角響徹雲霄賊衆聞聲駭潰潮湧撲逃向桐城而去城賊遙聞角聲不辨追軍若干未敢開壁惟於城上施放大礮自相轟擊潰衆遂沿城腳望廬江遁去途遇伏騎攔截邀襲過城十餘里殺賊四五百名天曉城賊出援我軍見勢頗

衆拍馬收回適步隊已將城外七壘踏燬十二日諜報狗輔兩逆大股距馬鞍山五六里揚隊公派騎士誘之賊不接仗延至午後各收隊還是夕公升樓遠眺歸語其衛隊曰賊衆十倍於我今連戰而卻知吾坐營所在勢必宵來却襲使併其全力圖我則危矣乃潛徙其軍賊夜至得空營大驚以爲神急引去諸將問何以知之公曰無他吾以意懸揣耳次日卯刻賊出全隊雲集高河舖馬鞍山一帶輔逆率衆萬餘

自青草壩西面而來狗逆亦率衆萬餘由新安渡小松園東面而至距我老營僅十里許縱焚村落烟氛四起當派騎旅分頭馳擊維時大雨如注火箭火鎗均無所施其技遂按兵靜伺殊輔逆揮四五百衆均持短戟長矛冒雨來戰乃令正綰率精甲六十餘人從後壁啓營門逗雨相攻籐牌鐵稍飛舞於電光中刈賊如麻追奔十餘里陣後列隊逆黨已早驚退據生擒賊目供稱狗逆現於高河舖五顯廟三橋頭石

牌等處築巢數十座餘賊在黃泥港王家河清河高樓嶺一帶打館約十萬有奇擬先攻掛車河官營再破圍皖之軍等語公訛畢笑曰賊焉敢圖安慶不過慣計支吾以脅制其黨羽耳夫鄂居上游形勢最強當兇燄正熾時不能據而有之長驅直搗今筋疲力耗顧區區爭一皖首尾受逼奚能狡逞譬諸奕者開手一子下錯則翻來覆去全局總是輸著吾料不出旬月當有蠢動也十四日狗輔賊衆退踞高河鋪旋

又併趨集賢關增巢掘澗鼠伏不動會我軍亦因酷暑烈日薰蒸毒霧淫潦人馬多形困乏遂稍息休養惟時謹烽戍慎防禦而已八月二日五鼓遙望高河舖火光遠轟隨派飛馬馳探該處賊壘已空集賢關內外逆衆均向石牌竄走公傳各將領諭之曰是必安慶破玉成不得志於此將復大犯楚疆旣而偵之果然乃密授穆圖善機宜進攻桐城分留銳士百餘固守老營而自率驍將騎步大軍於夜半急馳從間



道出三橋頭提輕兵斂旗鼓伺狗輔各逆方憇息山  
岡襲殺之且盡餘逆越山而逃又追及殲之而是日  
穆圖善發策誓師派令各營携衝梯木幔譚仁芳等  
率隊由掛車河沿求雨頂俯擣北門正綰率精選步  
軍由棋盤嶺至范岡直撼南門石清吉等營由麻子  
嶺出官橋徑逼西門穆統馬隊援應我軍剛列隊城  
賊卽以大礮環轟三路精兵冒險越過濠邊豎梯拔  
壘該逆子石星飛呼聲雷震延至午後賊勢漸衰三

軍伐鼓吹笳嚴催齊進拔毀椽樁數層各束濕草濡  
薪填平溝塹而過人人搶豎雲梯一躍上城大小戰  
士畢登拋擲火蛋火毬若霞光萬道俄頃悉成焦土  
賊由東門潛遁正綰揮軍抄殺並分隊圍擊南北逆  
等奪門擁擠踐斃實繁其未逃出者概經殲焚是午  
穆由求雨頂率旅飛追斃賊不能悉數露骸橫野躡  
及至呂亭驛沿途復殪其五六百名餘匪向廬江逃  
脫桐城克留石清吉戍之公聞捷卽扼堵蠟樹柯以

四營布置城守初五日抽調正綰等十二營隨騎隊  
從宿松進勦狗輔等酋團結死黨數萬自三橋頭上  
竄石牌蠟樹柯乃密遣諸將率步伍數千隨騎乘陰  
躡其後倏忽衝出賊猝未及備俶擾不知所爲經騎  
步四路包抄斬馘五六百級餘賊破膽星夜遁黃泥  
港勢將趨太湖我軍速回潛山繞出新倉迎頭攔勦  
先伏一軍於山凹再伏數旅於石牌表裏相應俟賊  
潰敗回竄然後首尾環攻越日賊果向太湖來我軍

列戟迎戰鏖鬪移時山凹伏兵齊出該逆驚喘未定  
突遭新力之軍自知難敵回頭亂奔譁然如鳥獸散  
竄近石牌又遭伏騎追殺十餘里斃其悍黨千人解  
散脅從七百留馬隊暫駐黃泥港以靖氛初六日  
偵知賊由劉公舖竄宿松之桃花舖飛派先鋒追躡  
及於楓木嶺賊方食遙望官軍來卽棄箸執殳猛力  
回抗戰不三兩合我軍二隊騎兵突至橫腰鶻擊將  
賊衝爲兩股俄而第三隊步卒亦接踵馳至遂併力

協攻哱叱彭曩不可當禦陣斃黃衣老酋數名餘衆  
兔走烏飛望徐家溝金橋等處奪路分竄沿途躡擊  
二千餘名馬隊早馳向金橋緊跟賊尾追抵宿松夜  
己三鼓該逆皇皇進城不虞我軍乘勢亦奪東門而  
入賊猶督衆巷戰各將士聚薪發燧延燒月城樓棚  
光照如同白晝男啼女號之聲陵天震地戰至黎明  
梟其老酋數人俘馘以千計賊大敗奪西門向黃梅  
遁去被騎隊追殺十五里至佛坐鎮而還宿松縣城

克之會所抽之步隊十二營暨續調潛太守城各隊均次宿松之二十五里墩公以逆旣竄趨黃梅若不速爲攻拔則延及蘄羅武昌震驚又將滋蔓難圖且吾軍皆鄂餉受其食者忠其事尤未可稍貽亂萌爲東諸侯憂乃令正綰簡七成鐵甲由停前驛星夕馳赴該縣迅剪妖氛不得城者罪以法仍令騎隊前追初九日至於踏石港我軍躡及賊衆傷弓之鳥勢益不張未敢回敵直追抵黃梅城外時已初鼓月昇東

壁城上踞逆遙見追騎如雲堅閉城巢不敢開門放  
入遂傍城角紛竄經騎卒抄殺多名適正紹率步軍  
早由渡河橋魏家涼亭一帶截擊而來卽將賊零星  
散壘一律燬平兩軍兇勦血肉枕籍逆奔上大河舖  
城賊見勢不支爭開西門潛遁我軍抄過城西攔殺  
時縣令亦率鄉團助戰登時同殺入城搜洗其匿穴  
敗寇千餘黃梅復廣濟踞賊聞之宵遁連日追北露  
宿風餐跋涉四百餘里人馬疲勞萬分乃飭暫駐雙

城驛解鞍休士不時揚兵腹地以清餘孽髮逆此次  
潰竄被我軍風行電逐騎兵邀其前步卒蹙其後日  
夕奔馳不遑息喘一飯屢驚顧愕莫知所之中路而  
逸者過半流血伏屍腥聞數十里乘勝前驅由曹家  
河近蘄水直搗黃州之巢殊該逆早已風靡從英霍  
山徑偷遁不數日而黃州捷音至矣餘賊向蘄水竄  
來我軍早於李店舖扼隘以俟二十有五日躬督騎  
步邀襲斬擒殆盡其隱匿山內者尙千人復經搜勦



無遺公思狗逆旣不得逞於武漢必將復竄舒廬以  
襲取我老營則吾進退失據反爲所乘乃急回掛車  
河巖防以待先是桐城克舒城距逆股慄公授穆圖  
善密計俾率捷師揚旗境上而於趨廬州之道左伏  
軍伺焉然後令勇士鼓而登陴班聲若雷賊惶懼棄  
城逃果向廬路竄來方謀曩食伏出圍殺五百餘委  
棄輜重山積至是舒城亦復捷 奏是年八月二十  
五日奉

上諭福州副都統多隆阿迭著戰功著加恩賞給雲騎尉  
世職欽此十一月初七日復奉

上諭正紅旗蒙古都統員缺著多隆阿補授欽此是月十  
六日又奉

上諭都興阿調補江甯將軍荆州將軍著多隆阿補授欽  
此蓋不一歲而已三遷其勲業冠世爲

聖主眷顧如此初湘軍之攻三河也以僞城地險故覆師  
今逆衆盜據數年忽於是月初五日棄城宵遁更分

黨踞中派河窺探舒城初十日我軍分守舒桐以破賊詭謀旋據謀報中派河踞逆約會大土山黨羽併竄舒城東北廬郡西北七十里之高劉集而上派中派兩河另有老巢數座阻官軍進攻併爲廬城屏蔽時天寒水深人病徒涉公命購柴木造浮梁三道以濟師相機而動二十有九日親簡快馬數十騎潛察賊踪遙見上派河鄉村同時火起烟迷晝黑當派石清吉率防舒步軍五營移堵七十里鋪以扼南竄十

二月初三日探聞廬鄉散巢之賊糾集萬餘由馬家店南來距前敵十餘里欲攻官軍營壘乃令正綰率所部九營飛馳迎擊援之甫列陣逆望見旗纛卽退奔正綰亦撤隊歸適狗逆據有廬郡倚江設險團合慄果兇徒數萬日習戰鬪鉦鼓震天公命諸將加意防範於築浮橋處修月壘以扼奔衝并列散屯數十橫貫其中連絡如串珠張兩翼包之賊亦無能爲也多忠勇公勤勞錄卷二終

多忠勇公勤勞錄卷三

中江雷正綰纂輯

蘄州夏允升恭校

隨州劉寶國編次

宜城彭體道  
江甯胡得成監修

同治元年春正月公令馬步各營先後移於距郡四  
十里一帶步武森嚴漸次逼近以圖規取廬城并派  
正綰等日頻揚隊梭探賊情該逆於附城近村四鄉  
散匿甚衆不時潛伺我隙念四日飭正綰移所部營  
於二十里舖舒亮溫德勒克西等率騎隊營於大蜀

山次日石清吉以五營移駐十八里岡均環城背山  
面水列屯如星拱賊乘我壘未堅由西城得勝門率  
悍黨六七千兩路撲來公命楊朝林趙旣發等分頭  
迎擊大戰數合賊不稍靡正縮卽揮勁甲衝鋒直前  
馬隊亦突出接應抄過西門賊後橫攻倒捲勢若迅  
電疾雷逆衆不及奔避俘馘多名大敗回巢我軍乘  
勝沿繞城根察度形勢至未刻始振旅歸連日出隊  
進攻奈廬城雉堞高矗敵樓飛簷稱是外引河水爲

濠寬深數丈其東西門暨德勝門各修石壘四座回  
環護之中列闔闔命老賊驅所脅難民懋遷有無往  
來如市并於城東三十里之大興集二十里之長林  
河中廟等處亦築堅壘四處遮蔽密排木城數道矢  
如雨注以翼巢縣巢湖水陸運道攻拔最形掣肘公  
知狗逆意在死守待援遂調防桐四營防舒而移防  
舒等營與正綰聯紮以厚兵力別遣騎軍斷賊援路  
扼要衝焚劫芻糧俾餓困城窟仲春朔令馬隊預伏

於水西低窪處綴賊勢令石清吉營於得勝門岡上揚旗作疑兵而以正綰率步軍九營出攻東門各士卒赤體凌波而渡奪賊礮船二艘貨船五艘焚之生擒戰艦內老酋四名正法壘賊並城上諸賊礮石環施我軍冒死抵前折毀外壘拔去笆籬數層躍濠而上縱火破巢並街市一律燬壞斃賊三百餘名次日薄暮命正綰率敢死士捲旗仆鼓出其不意夜襲大興集賊巢比三更抵其處賊猶熟睡各勇潛越過塹



投葦炬散松脂沃以膏油須臾火發壘中人五百餘  
舉爲灰燼臭聞數里天明乘勢直撲長甯河中廟賊  
卡方擬圍攻逆首僞鑄天侯普祥甫僞壽天福武正  
軍鎮司陳上春等拔衆來歸率四壘之賊一千餘人  
跪地乞命當收其軍械隨領回大營分別遣釋是日  
復申令戒各營預備鑿鋤梯衝先破城外諸巢窟制  
其要害派石清吉率隊攻西門及水西門賊壘以譚  
仁芳堵勦應之派楊朝林率隊攻得勝門賊壘以正

縮堵勦應之派奈福象截殺東南門援賊以馬隊爲  
各路策護次日五鼓分途進發賊早料我軍來攻先  
於塢堠郭障繚以竹刺鳴柝擊刁徹夜嚴防各將士  
冒險直前掘毀木城土牆數道立將濠塹填平豎梯  
猿升經逆鐵汁銅液傾灌而下兼之刀矛環刺矢石  
交飛連爬五次均未能攻入時狗逆親在城上瞭望  
見官軍攻壘甚急由各門遣悍黨萬餘出援正縮督  
伍接戰選勁弩強弓持滿而發射其左右兩翼復以

鏡斧機礮破其中堅酣鬪十餘回合連刃數首擲首  
雲中賊始退敗仍由得勝門潰入其餘各門援賊又  
經衛隊抄襲殪賊八九百人公從後持旗揮衆坎墉  
畢登一鼓緣入壘中縱火焚巢燦薰漲天賊驚慌爭  
逃進城撤去吊橋撒下鐵板我軍阻滯隔塹不能越  
追遂將西門得勝門四壘削平俘馘共一千四五百  
名輜械滿野奪其康天福淵天福及燕豫侯義等僞  
印九顆賊鋒大挫西南之壘雖破其東門傍城外尙

有逆巢三座高堅倍之狗逆日督悍酋晝夜巡警且  
廬郡城池濶大兵單不敷分布圍難遽合適前督師  
袁端愍派建甯鎮總兵張得勝率練勇五千餘營於  
廬北橫店我軍營其西東控背盪腦以爲犄角之勢  
公以玉成恃水爲險若不竭澤窮流未易攻取二月  
春分後連日黃霧四塞塵沙迷空跬步不能相物色  
乃令正綰於廿七月初更率隊至東南西三門沿河  
循壘施放火箭機銃詐作攻城之舉派朱希廣赴東

門石清吉率隊赴西門距城里許埋伏以防城壘各  
賊出襲令衛隊等多携鋤鑿輪換掘堤無如地勢險  
固外高內低城上鎗礮絡繹各將士列陣河干空無  
遮蔽水難掘涸至是逐夕出隊自四更至平明始撤  
旅回營狗逆探悉我軍掘放水堤於二十九日夜三  
更由東西兩門突出兇悍老賊七八千人分路撲來  
經我兩伏兵振翼鷹擊席卷虜劉斃其酋首數人逆  
知官軍有備惟憑城遙放雷礮援應不敢開壁迎戰

其遣出交鋒各賊抵敵不住均棄械逃歸三月朔復令正綽率精選步軍乘夜半人靜暗掘南門城澗而濠長水深僅涸泉二尺許不能安放地雷雖小有斬俘亦迄無成功次日我軍邏者在東門城外擒獲賊謀搜出狗逆致偽扶王陳得才偽尊王祐王啟王並馬范等酋蠅頭密文三件係調穎亳等處賊衆回援廬郡并囑陳逆點足精壯悍股二萬由壽州一路殺來旋偵報金陵老賊傾巢渡江聲言援廬各等情公

思大江南北援賊同時煽動狗逆死守待救狡謀已成我軍宜稍休養銳乘其不備以圖大舉遂停掘堤之役令軍士節疲勞操習陣圖待擊外援二十八日飭正綰等率六營逾水屯於東門河次日命曹克忠率三營屯水西門夏四月初三日令楊朝林率三營屯北門初五日令衛隊等營屯南門均倚河築堅壘扼逼要隘進薄城根一面檄於各營前修高樓亭障環設礮臺二十餘座外砌甃堞圍以數匝用禦賊轟

又自板橋河李四河中隔兩水並嚴  
防如雀羅魚網密布層張不使寸鱗  
初六日賊見城圍日緊勢彌窘蹙由  
餘衆悉銳來撲官營當經各將士併  
餘我軍遂排日更番列隊於東北兩  
時或息俾賊應援不暇以疲其力十  
礮臺周視遠望天半黑氣如山直壓  
皆墨將謀潛遁乃密傳各營先將雲



城河斷水小堤下暗藏派石清吉列隊於城西水西  
門派余福象列隊於城南得勝門正綰率步營分攻  
大東門三壘以誘城賊我軍甫抵壘邊礮石環施矢  
鋒雨集正綰督衆齊前拔去簽椿木柵填濠緣梯而  
上時狗逆見勢不支率大股由東門出援又經正綰  
分隊迎擊斃傷甚衆該逆情形危殆不敢入城卽循  
城向板橋河飛奔竄去各軍士愈攻愈猛擲放火箭  
數枝須臾三壘火發石甍爲焦賊衆冒烟蹈燧奪路

潰逃我軍追殺一陣殲滅無算公見賊壘已平飛調  
各營推雲梯架西南城下蒙濕氈懸水囊督壯士數  
百持擋牌木幔架肩拾級蜂擁直上城賊初猶死拒  
縱鎗彎弧忽見狗逆敗奔膽驚心亂我軍乘勝氣壯  
挾旗先登火罐噴筒拋放如星飛雨落焚燒甚衆餘  
孽奔向北門而竄霎時千炬悉然光通天紅正縮遙  
見賊由北遁急揮隊窮追值張得勝亦帶練勇趕來  
兩軍齊力躡擊狗逆見追兵甚速遂將板橋河浮梁

折斷向吳山廟壽州大路抱頭鼠竄而去會孟夏河水漲發阻深難逾仍折回從北門殺進立將柙兇檻獸悉數殲除是役也計殪賊九千有奇生擒八百餘內有義福安燕豫主將各僞官貳百十三名訊明梟示解散脅從男婦七千餘人奪僞印六百餘顆大小礮一百餘位擡小鎗七百餘桿騾馬一百三匹鎧仗旗械不貲廬州府城克時四月十五日也隨飭曹克忠率所部馳往李四河輿梁以濟并飛調穆圖善等

指授韜畧馬隊趨程跟追襲勦不使賊停令正綰率步軍十營馳往壽州截擊適袁端愍前派之克蒙額和善等亦帶西丹百餘從此路抄來遂隨穆馬隊會合追過吳山廟二十里赶上狗逆乃遣三百騎襲賊尾誘敵自以二千勁騎繼之狗逆怒悉衆萬餘回戈相抗轉鬪三十餘里至於雙廟集兩軍皆陣橫亘六七里玉成列馬賊居西列步賊居東穆圖善升高望而大喜謂軍士曰此處左山右水可前可却眞吾之

勝地使人告克蒙額和善彼騎少不可輕進吾當先  
之且賊潰圍遠奔其衆必不暇齎糧糗縱其能齎我  
追甚緊亦不暇爨食不及日午人馬俱飢因其疲弊  
而擊之勝皆以爲然延至未申時賊陣塵頭大起遂  
鼓譟而前麾其西偏曰賊馬隊敗矣又麾其東偏曰  
賊步隊亦敗矣賊輒亂不能復整乃皆潰自瓦埠集  
追至余家埠沿途棄甲拋戈屍橫數十里次日黎明  
復率飛騎力追至莊募橋躡及之逆衆無路可遁紛

紛撲河過去淹溺者多半我軍馬隊卽回繞下岸水  
淺處溯流而濟又追逐三十餘里至朱家集斃其黨  
羽三千餘名大小酋首受戮者不少玉成以十萬之  
衆破踞廬州經我軍數月來攻堅追奔止餘數百騎  
僅而幸免稽誅然精魂亦於是消亡矣穆等欲乘夜  
再追因士馬飢疲不得已收隊息養回駐瓦埠河南  
岸以待策驅其吳山廟散敗股匪亦經正綰率步軍  
躡抄撲擊靡遺賊屍縱橫遍野狼籍如麻皖北已無

賊踪乃暫駐大順集與騎隊聯扼於十六日復派朱希廣陶茂林等率領後路步軍由廬州進發移營於吳山廟以應前敵兼疏糧運是時狗逆經苗練紅旂主李萬春護迎入壽州城已成釜底遊魚瞬形糜爛公懼苗練別蓄異謀爲虎附翼乃今穆圖善率馬隊繞由莊墓橋過瓦埠河正綰等率步隊亦由瓦埠過河均駐北岸距壽城四十里擬築長圍逼取該逆殊遲至十九日據苗黨梁成鈞稟悉已將僞英王陳

王成弋獲細解前督師勝營辦理所有遺賊數百均  
令削髮分散各圩等情二十八日准勝保咨送偽尊  
王陳士榮訊辦前來當卽梟首懸示以昭炯戒諭各  
將領曰髮逆兇悍渠魁惟四眼狗一人餘賊不足道  
也自江甯陷踞以來連破楚皖大省海內騷然幾無  
復乾淨土吾以馬步征戰數年心殫力瘁始幸仰仗  
國威藉伸

天討今而後與諸君可以高枕無憂金陵之規復當亦在



指顧間耳捷聞於同治元年四月二十九日奉

上諭多隆阿身臨前敵調度有方深堪嘉尙前於攻克安慶案內業經賞給雲騎尉世職此次着再加恩賞給騎都尉世職欽此是年五月初三日准

湖廣閣督官公文恭咨稱豫省大股髮捻竄擾陝西逼近西安現在駐防馬隊官兵失利軍情喫緊旋奉  
上諭多隆阿自克復廬郡後淮北無事可辦若移緩就急  
統帶兵勇迅速入關與楚軍夾擊逆賊必望風而遁勦

滅不須時日着多隆阿酌帶所部迅速馳赴陝省督辦  
軍務以期保全完善用固京畿屏藩欽此公思廬郡甫  
經克復不得不派軍駐防以堅皖北封圻而保楚疆  
門戶遂令石清吉率十營扼守廬郡其餘馬步分三  
起入秦關先派正綰與溫德勒克西率馬步八營爲  
前鋒由英霍麻羅取道襄陽赴陝派穆圖善金順率  
馬步八營繼進公自統馬步大軍在後嚴督兼程啟  
行六月二十日自武昌轉節溯流而西一路秋毫無

犯坐作有儀士民道旁觀者咸嘖嘖嘉歎謂雖衛霍  
褒鄂無以尙之七月初十日由水路師次樊城值  
擒回竄南陽圍攻郡城勢甚危迫適金國琛會同梁  
作楫帶營由新安進勦公以此股窮寇迭經我軍痛  
懲一聞大兵在後必不敢株守一隅坐受敵困第恐  
鋌而走險騷動鄰疆乃命正綰飛率一軍由光化荆  
紫關馳往商南繞出賊前橫擊其腰命穆圖善率各  
營牽綴賊後逆抄其尾一面令騎兵馳赴新野會同

金國琛等協勦該逆聞我軍來擊魂飛心悸果撤重圍向西北竄去公得報當飭馬隊改由光化一路迎頭截殺惟楚豫邊界之交犬牙相錯徑路叢歧防兵不足分戍誠恐大軍移進逆黨乘虛擣入擬自率精甲暫駐樊城藉資控壓忽於十九日在行營恭奉

上諭英榮等奏回匪叛逆顯著省垣附近村堡焚殺殆盡膽敢結隊近城撲犯省垣之西關其大荔縣一股圍攻同州府城已八晝夜悖逆情形殊堪髮指亟宜痛加勦

洗以儆兇頑著多隆阿嚴催雷正綰統帶兵勇星速入  
關會同英傑等懾以兵威勒令該回民將爲首滋事之  
人獻出懲辦其被脅勉從者酌量遣散惟回匪蔓延西  
同十數州縣旗幟鮮明鎗礮齊備該逆蓄謀已久鴟鵂  
已張恐雷正綰一軍不敷分勦多隆阿本有督辦軍務  
之責仍著該將軍督率後起各營相繼前進該省望援  
急迫務當尅期抵陝迅解倒懸欽此公跪聆

廷訓之下刻不稍延卽於二十二日督率後起大軍倍道

而馳途次探知南陽竄匪仍徘徊於鎮平內鄉一帶  
聞我兵入秦不敢西犯當飭正綰與穆圖善等選精  
健馬步迅速馳赴西安密授戎機令先解各城圍俟  
後路大隊取齊再行合力聚殲秋八月朔於浙川營  
次接奉同治元年六月二十九日

上諭此時陝省情形萬分喫緊著官文凜遵前旨嚴催多  
隆阿雷正綰迅速帶兵入陝欽此公一面飛催隊伍兼  
程前進并函致西安托將軍等認真防守以俟應援

初八日移駐商南連據浙川廳五次稟稱髮捻悍逆  
數萬直壓城下並兇撲荆紫關焚掠城市紳民待援  
孔棘如大旱之望雲霓等語時因回孽鴟張正綰等  
已先率全部次第遄征入陝後隊僅千餘騎兵力過  
單公閱報之餘正殷焦急十三日適奉

上諭着勝保統帶全軍星馳赴陝督辦陝西軍務楚省藩  
籬最關緊要多隆阿旣阻於賊逆不能赴陝着官文卽  
飭多隆阿由隨稟前赴南陽一帶力籌防勦與豫省官

軍前後夾擊痛殲醜類欽此二十六日又奉

上諭據勝保奏稱所部現已在隨棗與南陽切近若令

移兵進勦順而易成并據鄭元善奏稱襄樊向有重

兵業經飛咨官文等分飭防兵越境會勦雷正綰既爲

賊匪所隔均毋庸赴陝着官文移咨多隆阿統帶全軍

並雷正綰一軍馳赴南陽會同勝保鄭元善所派各軍合

力兜勦以期殲盡醜類欽此蓋是時公威望卓著全部

特精銳軍行所至譬猶烈霜委草洪爐燎毛無敢與



櫻鋒者且此股粵匪僞扶王陳得才等糾集捻逆悍  
賊不下四萬春間由鄂竄秦本圖大肆荼毒會因我  
軍圍攻廬郡經狗逆調往援廬是以匆匆出關迨道  
經隨棗探聞廬城已克玉成伏誅遂倉皇失措無路  
可歸乃公至武昌先令正綰前驅入陝沿途隨勦隨  
進該逆豕突狼奔遂竄南陽所裹人數旣衆勢尤披  
猖况石達開遺孽復由蜀遁人鄖陽屬之竹谿竹山  
意欲勾結捻髮進撲興安聯絡漢中踞賊直擾西安

省垣秦隴楚豫四省邊防喫緊諸統將監軍悉無能  
敵此兇醜故各省督撫皆恃公以爲重交章陳請爭  
逐前旌公以我軍餉械悉由鄂渚泛運慮賊之斷截  
我後不得不先其所急而秦關一路有特

命專征之責尤須妥籌兼防以紓西顧之憂乃派義中衛  
隊等營先馳回荆紫關相機堵勦派穆圖善馬步六  
營尅期迎擊別遣正綰率所部由藍田探賊所向間  
道馳往鄖陽之西迎頭夾攻并飛咨湖廣總督轉飭

鄖陽鎮訥欽密布城防以俟援軍三路堵擊俾資兼顧而自率溫德勒克西金順馬隊居中策應加調前留守廬之軍抽撥四營從隨州棗陽遏擊其由南華竄楚要道則檄金國琛營於光化用固豫楚藩垣以守鄖陽總兵何紹彩輔之適穆圖善遵調由商州折回於十六日馳抵商南面承方略令其率隊兼程迅發擇要埋伏公亦飛臨前敵居中調度會連日陰霾大雨盆傾平地水湧數尺溝澮皆盈騎步多爲泥陷

火箭鎗礮均無所施其長遂暫息戰至二十一日天  
晴霽乃傳令四更薦食五鼓取齊由大隄嶺列隊進  
攻穆率各營行約十餘里該逆悉我軍出戰預以先  
鋒悍黨八千餘衆從柳林溝來迎我騎軍拍馬橫衝  
步卒舞刀直撲該逆震懾慌亂倒戈回奔各將士跟  
踪追殺沿途斃賊二百餘人生擒十三名剛追出山  
口而僞啟王梁成富僞主將馬融和等大股環列如  
牆重疊密排斜迤五六里約一萬七八千衆望見我

軍躡至均挺刃揚旗而下其河洲對岸亦列隊五千  
餘遙爲聲援穆傳各營嚴整隊伍以俟派趙旣發等  
由中路分兩翼並進桂學高由右偏進姜玉順由左  
偏進伍卒彌縫若魚麗陣然以余文科傅開德備其  
抄襲爲諸路策援而自率親兵哨隊適中策應一面  
飛調騎乘由河梁直下伏於高岸之阻以包賊尾布  
置定訖飭各營魚貫而前礮鎗互轟酣鬪三時之久  
逆不稍北各軍分道齊上連殪黃衣騎酋二名悍賊

百餘舉其大旗敗之諸驍將鼓勇悉銳追至荆紫關  
又殲賊首一人并殿後兇黨五六百許時已薄暮詎  
關頭倏出黃白色幟兩股悍逆八九千有奇列陣當  
關綿亘於市廛外救護潰逆回巢其陳得才兇渠亦  
率衆五六千距河西南華一帶揚隊欲來援應因河  
水陡漲無從濟涉卽於山岡排列遙作聲勢我軍併  
力夾擊大戰百十回合直至更闌河岸伏騎齊出土  
氣彌揚一呼蜂擁悉進霆激電驚勢傾海岳俄而火

彈亂拋燒延草棚布幔紅光徹天賊猶死抗公復潑  
派梁洪勝余福象等步營隨馬隊同時併進仍由河  
干抄賊之後首尾截擊猶以猛虎驅羊彊賊不可數  
紀紛紛潰敗投水溺斃者屍礙行舟餘孽向浙川大  
道竄走首酋陳得才見衆踉蹌亦向河西南華一路  
豕逸馬步躡追二十餘里天色向曙適金順騎隊亦  
趕至各營步軍已鏖戰一晝夜枵腹荷戈頗形饑困  
乃令馬隊追賊而步軍振旅歸立將荆紫關克復計

斯役殺賊目三斃悍賊四千衆水淹倍之解釋難民  
三百餘俘獲七十三名奪騾馬刀鎗旗仗積與山峻  
當飭金順馬隊及義中七營步軍跟踪向浙川追勦  
並分留騎士暫駐娘娘洞以防回竄令穆圖善於河  
下造浮橋濟師向南華一路追勦陳得才竄股先是  
公派正緒取道鄖陽迎擊俾遏賊遁南華之路旋因  
正緒補授興安鎮經陝撫英棨 奏留駐勦回氛至  
是更遣何紹彩率所部屯鄖陽嚴堵以固鄂疆遂於



二十三日移軍赴浙川會勦仍回商南營次是日戌刻謀報姜汰凌巨股擒匪三萬餘衆直犯商南進薄城下我軍兵分力單兼血戰馬逆旬日跋涉在途頗形疲怠猝遭此強寇突來勢難獨支乃飛調留駐浙川之衛隊四營返騎援應一面檄地方官紳盡驅婦孺老弱登陴守堞揭竿爲械廣豎旌旗其丁男強壯者使禦四城敵樓密架鎗礮重門洞開別令軍士數人洒掃街道傳諭兵民不許一騎出入悄無人語故

爲鎮靜一若無事然者該逆潛窺終日不知虛實游移四山未敢下攻迨晚迭來撲城殊公早已遣舒亮等密領八十餘騎暗伏西門外樹木幽邃處飭何成江率精健團民數十各攜火箭小鎗匿於南門柵梁畝內以作疑兵而自督十餘騎及衛隊五十餘人大開東門奮呼衝出一聲礮震西南馬隊齊前伏兵亦起叱咤風生戈刃橫加逆衆在昏暗中未悉官兵衆寡互相驚疑西南兩路賊股擁至東面狼狽四竄蹂

斃者無數我軍乘其潰亂截殺數百人餘竄入山後  
離城三四里許盤踞不退時已四鼓兵少未便輕追  
遂收隊回城仍令官紳督兵民環堞固守五更初賊  
復於東門隄根下偷掘隧道穴攻經城上堞民瞭覺  
齊放鴛鴦連環礮左右轟擊死者如蟻仍屹不動黎  
明公親督馬步衛士出城誘戰剛逼近交鋒逆分股  
包抄掩襲尾後將我軍數十騎團困陣中左縈右繞  
愈圍愈緊公見勢將不敵躍馬殺入前衝後突猶以

狂風偃草嗜然倒退立將兵勇援出傷亡僅數名相  
延及申刻始撤隊回城是夕遙聞山谷間人馬雜遝  
之音沸騰奔越火光遠燭隱隱礮聲不絕至次晨偵  
探始悉朱希廣等營奉調從捷徑趨程前來於夜半  
趕到距城十二里之穆家河猝遇賊衆迎撲輪戰通  
宵殪賊甚夥次日天曙四營合力奮擊往來數百合  
斃賊又二千餘拋棄輜械盈谷惟懸崖峻嶺險於鳥  
道羊腸我軍隊伍不能展布而逆黨兔起鳧舉愈殺

愈多余福象督陣突前衝入垓心左右揮擊被賊弓  
矢蝟攢身受重創各護軍破圍救出日已西沈苦戰  
一晝兩宵不遑憩食人困馬疲山阻徑狹無地屯營  
遂折回三角池扼紮是日賊以全力禦我後路無暇  
攻城但於對山列陣牽制城中官軍朱希廣以賊勢  
太兇連速調王萬年三營馳來接應詎該逆見我師  
增竈懾其威武竟於二十九日乘夜西竄商南城圍  
立解公飛檄由省撤回之陶茂林及溫德勒克西馬

步大隊迎頭截擊扼住武關要隘大獲捷仗斬擒以  
千計而親督王萬年等各營跟踪追殺兩路夾攻以  
期聚而殲焉并速飭金國琛攔堵光化直搗其首穆  
率六營循途躡擊四面合圍俾狡賊手足無措正勦  
辦得機候忽諜報另起擒匪數萬衆合竄至雙祿山  
距荆紫關六十里等語當派朱希廣等營仍赴浙川  
隨穆圖善相機堵勦面諭之曰各路髮擒巨股同時  
并舉意圖西竄而陝豫鄂邊境相維地勢遼濶山林

茂密伏莽潛滋百孔千瘡深虞補救難周此次務廣發偵諜若探明實由此來卽回駐荆紫關免襲我後致增尾綴之憂八月朔旦躬率王萬年等營飛騎追勦距城三十里之石馬寨遇賊大股剛擬接戰適各路探報捻逆頭敵已抵武關因陶茂林及溫德勒克西馬步在彼力遏要衝未能顛越其尾隊尙在山後一路陸續繼進經兩晝夜猶未畢約騎步賊六七萬衆又據穆稱竄至雙祿山之賊業向西平西路竄去

欲併歸姜沘陵合股現在髮逆經督率馬步追殺遁入浙川直奔光化等語公料髮捻離秦旣逸走襄光有金國琛梁作楫兩路迎勦當無僨事乃令穆圖善留三成隊伍守營以七成隊星夜折回會勦飭金順馬隊駐防荆紫關初二日親督王萬年等三營排列誘戰力制賊勢以解武關倒懸自朝至夕殺賊千計而陶茂林等武關一軍亦殲勁賊三百餘翼日五鼓出隊賊陣於山口以待袁斜十餘里旗械鮮利骨勇



肉飛當令王萬年趙克彰劉定邦等營分三路應敵  
以馬隊繼之哮闕直前自辰至申鏖鬪數百合賊不  
稍奔公親督王萬年之軍繞出賊背如鶻入鴉羣萬  
衆辟易擒領樁心斬殺過當適據偵報該逆由蓑衣  
河分股回竄商南逼踞縣城垣下焚村掠堡大逞狼  
鋒官民盼援情殷急於星火初四日飭穆圖善統步  
軍迅赴該縣面籌制勝之策並飛傳陶茂林緊扼武  
關不許輕舉妄動俟見令旗揮舞始出接戰一面自

率衛隊三營馳距商南城十餘里之捉馬溝擇隘修營賊見官兵無多疑有埋伏不敢列陣卽日營壘築成公度該逆必以夜襲乃預令穆圖善二更由商城出隊來援密戒各營滅膏息燭刁斗無聲俟其撲近濠側用火鎗飛礮轟之賊果於三更候以大隊潛伏山腰另分數小股圍犯我營兇撲移時毫無影響知已中計倉皇揮衆速退剛出山口殊遇穆援軍先擒奸細供指近溝左右有賊埋伏其間卽放礮吶喊殺

入逆謀已破前後截爲兩段慌亂四奔墮崖落澗貫  
胸裂腦及淹斃者無算平明一望遍橫賊屍是時自  
馬溝至武關縱橫五十餘里該逆蠅集蚊聚尙有四  
五萬衆自非大加鞭捶不能掃穴擒渠乃派趙旣發  
等由大平山左路進輔以余福象步軍趙克彰等由  
山梁右路進翼以穆圖善衛隊而自率騎步居中策  
應分撥既定次日循序而前遙望賊陣上五色旌旗  
漫山盈野據擒獲游卒訊供日前姜汰凌曾分黨數

千走盧氏間道迎接張落刑股匪現在不知何往賊  
中至强者列隊居中之紅邊白旗則姜汰凌黃邊紅  
旗則王懷義惟此兩股惟最其餘黃藍旗周老明黃  
方旗韓老萬黑方旗張小明尖白旗孫老危等均無  
能爲等語公卽飭各軍先衝賊中隊破其中堅譬諸  
庖丁屠牛於髓髀之所排擊割剝以下自迎刃而解  
詎賊皆兇悍慣戰衝擊五六十合不分勝負當商令  
穆圖善率衛隊由山旁繞出賊尾乘其不意從山積

疾呼殺賊金鼓齊震逆黨聞聲驚潰自相蹂躪我軍  
四圍悉合左矢右矛險阨相薄斬馘殆一萬級生擒  
五百餘奪獲騾馬牲畜旗鎗鎧仗不能悉計初六日  
乘勝據高岡揚隊直下戰不數合賊士崩敗退各將  
士超乘突前弩戟相屬該逆落魄喪魄棄械癡立束手  
待斃瞬息屍盈山谷血溢塹渠我軍且戰且追直  
追至武關適關上防兵早望見中軍旗舞遂合隊截  
攻前後遮擊殲賊更衆所遺馬步殘寇不過萬餘天

已嚮晦始振武凱旋是夕三更探聞敗賊拚命越山而遁公度必由原路回竄於初七日五鼓追及於三角池一戰屠之明日又躡至西平悉數誅除殆盡猶慮重山複嶺或有三五零氛潛藏巖穴復圖嘯聚隨檄金順率馬隊由荆紫關馳抵西平沿途搜洗並飛咨豫撫通飭地方團卡認真查拿不使殘鱗網漏是役也以七八千疲師當五六萬兇燄而商浙地處偏隅城卑民弱又兼山崎徑雜東勦西奔實難收功且

晚方其數道入寇不特兩邑人心驚危卽三省大吏均爲之震動乃公決勝出奇駕馭羣材連戰皆捷卒能立摧枯朽不旬日而逆衆悉誅姜酋僅以身免張落刑亦聞風先遁其功豈淺鮮哉疏入

帝壯其績於同治元年閏八月十八日奉

上諭多隆阿調度有方旬日間卽將巨寇勦除殊堪嘉尙着加恩賞給黃馬褂一件大捲紅綢袍料二件大小荷包各一對白玉四喜般指一箇白玉柄小刀一把交多

隆阿祇領以示優異欽此自是權駐浙川休士及鋒終  
日披覽輿圖悉其山川道里用備西征適正綰於是  
月二十九日亦由固原提督奉

特旨幫辦軍務乃選派一軍令自將爲前驅以備衝鋒秋  
七月朔謀者頻報襄河以北賊踪蔓延公以鄂爲餉  
糈來源恐逆衆斷我後路致形掣肘當移軍星夜疾  
行初八日馳抵樊城飛商湖廣督撫安籌勦辦飭下  
游水陸諸軍從上夾攻一面督率穆圖善等所統馬



步營於王家河初十日移屯李店廣爲間諜將伺賊所向擊之次日擒獲奸細訊供黃龍塏及棗陽屬之耿家集各賊衆卽酋首僞曹王賴文光僞端王藍成春所領其安陸豐樂河之賊酋首爲僞扶王陳得才黃孝之賊酋首爲僞啟王梁成富該逆等皆謂官兵留秦故伺虛擾楚以圖負固隨遣偵卒四探據稱賊自黃龍塏綿亘棗陽等處連營四十餘里巢壘密排蟠屈如蟻穴初不虞官軍猝至皆鳴金擊鼓游移往

來勢甚帖然等語公以賊勢重大慮其遲而有備急切難圖隨於十二日移軍進扼黃龍塙申令各營掘濠列柵闢塹成堆示以長圖久屯乘瑕以困之乃夜遣突騎五百潛往襲巢賊遽見我軍旗號舉戰栗驚呼俯首帖耳不敢出與交鋒黎明公自率堅甲鐵騎與穆圖善銳軍合力堦擊逆黨不能抵禦倣擾狂奔被騎卒躡北及於棗陽屬之胡家山殪其千餘卽留馬隊屯彼以堵遏衝途而自率步軍仍回次日四鼓

傳餐排隊卯時至胡家山獲賊謀供稱陳得才已派賊自羅正舉等前往援應云公悉羅逆係玉成部下悍酋久經戰陣而剽疾陰險復過之今有衆萬五千餘若不先剪其勢俾羽翼已成則搏擊倍難乃於騎步中挑其精健得三千人令陶茂林統率分五路進攻而以副都統穆圖善督同姜玉順等繼之令溫德勒克西率騎士由左路抄出賊後以雙福馬隊繼之公自督中軍爲諸路策應次第進逼兩陣旣列該逆

極力迎戰我軍奮呼向前引弩抽刀拔距礮石正酣  
鬪間雙福等馬隊已襲其尾乘勢前後夾搗殺聲驚  
天逆陣亂不復整茫然譁潰陶茂林五營攻其左姜  
玉順一軍擊其右穆持令旗頻揮鉦鼓疊催霎時風  
驟霧合勇氣倍奮殲斃多名追至李家橋因土馬飢  
疲天已向晚遂收隊暫息是日計各路共殪賊三千  
餘俘獲逆屬男婦并被脅丁口多名奪其牛馬牲畜  
充盈廐圍羅酋兇氣大折幾於成擒公料賊竄李家

樓與豐樂河距近陳逆必嗾黨援應乃傳諭諸將凡  
日間守營士卒乘夜出隊埋伏十四日平明吳見賊  
騎如蟻由豐樂河而來我軍旗偃鼓息終日寂靜無  
聲不出接戰該逆列陣自辰至酉亦不敢來撲竟於  
二更時徐徐退去是日午後余福象少隊三營取次  
到齊合兵一路公見逆衆逐日奔馳頗形困頓密遣  
姜玉順等率二成隊前往劫營是夕月色微明軍士  
皆袒右臂作暗號各營於四更候潛抵其處賊恃險

阻不立營壘設備左崖右塹超升維艱乃命壯士能  
爲猿猱上絕壁者數人以鐵鉤傅手足爲指爪腰四  
繩一利刃隨携小洋礮乘月光稍掩攀巨樹斜科爬  
緣而上仰視賊衆均露宿鼾齁之響遠聞緣壁數健  
卒便舉火發銃礮齊呼曰大兵至矣賊黨驚覺自相  
格鬪爭奪徑奔下墜跌死者甚衆餘逆亂撲又經我  
平地伏軍左右抄殺俘馘以千計遂向隨州山路而  
逸追至鴉雀冲懸崖峭壁狹徑危欹馬不能進無途

可繞乃尋土人鄉導引軍向淄山趕去時大雨淋漓各戰士冒雨馳逐一日兩夜不遑寢息剛進淄山而賊大股已出山口隨即揮衆尾截沿途擊斃甚夥躡及官塘道路泥濘陷滑天已薄暮人馬皆飢乏遂收隊暫屯該處次日未曙探知賊已遁走我軍星速跟追逆衆疾趨唐縣鎮出湖北境是日殺賊四五百人拯出脅從一萬二三千衆十八日賊出天口河向界牌竄去狂奔甚速我軍追及陶家嶺不見賊踪卽派

馬隊飛往抄截越日偵報賊已由界牌向桐栢信陽  
一路潛逃乃傳宣各營更番移退屯軍樊鄧間適勝  
保覆師秦中回氛大熾仍遵

前旨督軍入關勦辦十月初六日飭溫德勒克西穆圖善  
等各統率馬隊步軍先後向潼關進發十五日親督  
後路大兵倍道啟行於潼關營次奉到同治元年十  
一月十七日

上諭荊州將軍多隆阿着授爲欽差大臣督辦陝西軍務



欽此是時關輔罹災榛莽邱墟數百里無行人馮翊被圍日久其勢岌岌不能朝夕而芻茭糗糧均爲獍匪掠盡轉餉彌難公預派員採購部署壹是就緒甫移軍進扼同州隨偵報逆回率黨多人前來撲犯勢甚披猖公傳諸將士面訓之曰回黨自構亂以來兵連禍結毫未深受懲創故養癰成患幾如驕子悍奴不可箝制茲聞我軍遠至輒敢先來衝撲戰而失利則關內魚爛矣全秦安危繫此一舉今日之役務各選

精悉銳努力以挫賊鋒吾自臨敵觀陣有不勝者斬之各營遵諭列隊奮疾前衝鏖戰半日無不虎哮鷹揚以一當百瞬息間將東西連村至韓村迤西環紮賊巢八座一鼓盪平陣斬回酋甚多生俘梟示者數十名奪牛馬驢騾無數其餘棚帳輜重壓載盈車不能搬運登時縱火焚燒初更撤旅回營自此軍威大振先聲奪人城圍亦漸鬆臘月初二日令穆圖善統所部九營馳往洛河北岸修壘派陶茂林朱希廣溫

德勒克西等各率騎步以護之。公自督姜玉順等營，  
察看賊情地勢，遙見河南對岸賊巢甚密，如蟻垤蜂  
窠，層排密布。倘揭淺來襲，則我營壘難成。當飭彭體  
道率嚮導並勇丁六百人，迅伐柴木於洛河北，竟夜  
造浮橋二道以利進攻。而令陶茂林等三營從賊壘  
下面誘其離巢，賊見官軍築梁渡河，果以全力相抗。  
別遣朱希廣等步隊暗渡河南，由中路乘間擣破賊  
營。霎時火光四起，力將賊踞漢民村莊三處全行奪

回該逆見兩路官兵抄至勢不能禦大敗而遁我軍  
追殺五六里而四路援賊麇集挺刃相距輪戰兩時  
久公念前軍已深入恐力薄不支復令穆圖善率所  
部九營以其半修壘以其半揚隊過河策應併力奮  
擊賊始大潰敗奔入巢各軍擒馘千餘至二更始濟  
師而還次日移軍扼於沿河與穆圖善連紮聲威彌  
壯用勾鑊法以蹙之初四日列隊出攻續獲大捷殪  
賊千有餘名投河溺斃者無算初六至初九等日連

戰皆勝斬擒亦復不少並察看河南一帶險阻形勢將圖輪番近逼以批其亢初十日令陶茂林率四營逾河而壘屯於搜村以曹克忠朱希廣排隊輔之賊見我軍搯喉相迫遂分巨股撲來曹克忠等隨方抗禦應手摧却拋石撞車立破其前鋒賊尾隊驚潰隨策騎卒追擊逐北五六里忽援賊大至逆黨又揮戈回撲遂親督衛隊渡河抄襲賊背乘其猝未及防前後夾擣敗之俘馘千餘追至王閣村天晚而還十二

月念四日由驛賫奉

恩賞福字暨尙方珍御有差公自抵同後屢破徇巢大奪  
其氣逆衆張皇失措乃調集各路援股鱗次而來兇  
鋒復熾公以長稍鈎刃爲方圓大陣循環無端奇正  
相生或夾道累磁石芒刺以礙賊騎每日四更出隊  
且擊且前弓矢所及應弦而倒又爲之輪流替戰無  
時或休狗酋疲於迎拒計窮乞撫公思該逆等屠城  
戕官窮兇極惡月來雖受大創其心未必遽革遂却

其款降移軍進逼二十八日我前敵成壘已成距城  
二十餘里逼王閣村老巢四里而營賊見愈圍愈近  
銳不能當卽潛夜折毀木城謀乘宵遁經我軍舉礮  
環轟無路可竄仍鼠伏深穴二十有九日賊遣前投  
誠之哈連升等卑辭乞降公力拒不納次日四更令  
士馬飽騰出隊故爲不勝以誘之戰不數合卽詐敗  
退奔賊果率衆跟追將近我濠壘一聲礮震猛士齊  
前逆大驚股戰如山崩石裂公令穆圖善繞襲賊尾

預伏於夾道中且戰且走賊敗至其處伏兵四起喊  
聲震山塹深路狹無從飛越前後遮殺積屍塞巷比  
收隊已三鼓自朝至於日昃不遑暇食馬瘝士痛艱  
苦殆逾常云

多忠勇公勤勞錄卷三終



多忠勇公勤勞錄卷四

中江雷正綰纂輯

蕪州夏允升叅校

隨州劉寶國編次

宜城彭體道  
江甯胡得成監修

癸亥春王正月元日命軍士嚴備別選伍徒作雜劇  
魚龍曼衍傾營縱觀將餌賊以殲焉該逆悉其詐偽  
堅壁不出初二日寅刻列隊進勦適探稱猶黨於王  
閣村外作陷阱掘濠塹欲死守以久抗公懼其協謀  
狡逞因及其未備攻之鼓衆突前超騰其壘囊土填

濠擲放火箭洋鎗焚擊多名屍骸枕野立將堞濶踏  
平餘賊奔退老巢我軍圍誘移時匿不接戰至日暮  
始收隊回賊復於羗白鎮距南北五里許連營八座  
其間以屏蔽王閣村次日早起麾兵前進先以騎卒  
截要衝然後圍穴逼攻投炬益薪焚其壘而還維時  
秦屬城市先經髮捻掠屠繼遭狗逆殘破赤地千里  
無復人烟我軍餉糈兵械頗形缺乏公慮無以禦敵  
適有狗酋乞撫者明知其譎乃姑妄應之交彭體道

確訛後派曹克忠等赴賊營驗繳器械馬匹蓋以覘其虛實也遷延十餘日我後路軍火糧運齊至於是召獮首責之曰爾等反覆靡常負惡不悛豈真畏懷請降者殆驕敵以餌我耳吾豈受汝欺哉昔武侯七擒孟獲南夷始不復反今吾雖遠邇古人然亦欲使

汝曹知

國家德威滌舊自新永無侵叛其速歸修爾甲兵與吾決一死戰俟力屈心服再議撫可也二十八日調各

營攻羗白鎮王閣村等處老巢正合圍交戰詎東風  
逆吹塵沙拂面矢石皆爲退飛陣稍動死其勇士數  
十人刀手斬先却者以徇各將校皆股戰毛惕危立  
於鎗箭叢中罔敢蕙避乘其盛氣咆嘯而前賊衆驚  
惶敗遁擒斬千餘級明日復傳令出擊以步軍九營  
分進率掣其力而制之又以三營逼進羗白鎮北扼  
隘而戍別遣馬隊伏於鎮之左右令羸弱卒徒誘之  
布置既定剛列戰賊分萬餘人由王閣村南路來以

綴我師少頃羗白鎮之賊約計二三萬衆亦由北門  
長濠出舞蹈而前其氣驕甚窺我陣疲寡卽揮衆迎  
鬪我軍佯敗賊黨爭先跟逼且戰且退須臾九營步  
隊抄出賊尾其三營仍橫遏賊喉兩伏騎兵齊起前  
後左右四面環攻將該逆包作一團進退無路心慌  
大潰各將士矢攢刃挺殲斃多名逆衆捨命突出追  
殺至濠邊又斬擒二千級兇氣大沮是晚二更賊來  
偷劫我營公預令堅壁戍陣俟其撲近始以鎗礮轟

擊如此三次賊不得逞卽退去二月朔五更躬督各軍進勦撲近壘邊見逆掘長濠自沙窩起繞過羗白鎮王閣村十有餘里橫寬丈餘直深倍之而西路巨股援賊以次驟來當派朱希廣攻王閣村長濠之東派陶茂林由沙窩繞至王閣村伏於深林內派曹克忠攻羗白鎮長濠之東派孟宗福攻羗白鎮長濠之西王萬年攻其西北趙旣發攻其東北溫德勒克西率馬隊攻其西南令穆圖善率姜玉順等步隊爲各

路策應以蘇倫保馬隊輔之別遣步軍三營四路哨探作游弩之師分撥定訖一擁而前均至濠側爭以柴薪土囊填平湟塹近抵賊巢見王閣村雖不甚高堅而羗白鎮之堡砦壁立千仞鹿角豚柵密排數道周圍繚以棘刺礮臺警樓高聳碧落守禦最爲慎固公宣令先攻其所恃面與諸將約曰一鼓齊前再鼓畢登三鼓而不克者杖四鼓而不克者斬之時回逆馬隊由西南馳來蘇倫保卽拍馬當先迎頭衝擊賊

大潰奔入閉壁潛匿壘賊皆爲氣奪我軍乘其披靡  
奮翼刺蜚各豎梯衝臨墉超升其上該逆勢窮力弱  
不敢抵敵老哭少啼哀聲動天立將羗白鎮克復屠  
其雞犬靡遺隨分兵進搗王關村逆見羗白已破早  
爲驚擾會陶茂林伏兵亦由林中出我軍勝氣倍增  
八面兜勦頃刻入其壘鶚下鷹飛戈翻劍躍殺賊積  
屍成阜流血盈川餘逆落魄狂奔追擊十餘里奪輜  
械牲畜無數起獲藏鏹數萬盡以犒士日暮振軍唱



凱歌洋洋而還遠邇兵民聚觀者以億計靡不加額  
慶忭歡聲雷動次日傳知各軍乘勝進規倉渡俾成  
破竹之勢正移營前驅適謀報敗徇勾結倉渡巨股  
前來搦戰卽督馬步迎勦自卯至申鏖鬪終日殲賊  
甚多翼辰派陶茂林率步隊八營屯於王閣村東西  
之衝兩頭互抱爲却月陣烏散蛇騰變化不測該逆  
分股來撲經我弓刀快手一鼓殺退初四日逆又潛  
來劫襲我軍靜以制之任其狐吠狼嗥衝突移時毫

不聲應延至更闌賊情始開壁縱擊大敗而逃初六日復列隊誘敵酣戰兩時許拋火箭噴筒燬其布棚木城敗之據擒獲賊目供稱該逆因失巢窟無路可奔故糾集各獠黨決一死戰等語隨卽嚴誡各營厚爲之防以期悉數撲滅惟其地爲古沙苑山嶺歧紛樹木蒙翳豺兕之所竄游狐蝎之所腥穢又叢生荆棘刺足如錐沙土輕浮行騎所至驚塵飛揚蔽日無光人馬不能開目而賊屍腐變毒流井水味苦氣濁

汲之輒痢泄兼所部多南勇不慣麥食繼以亢陽薰  
燎時疫大作十病四五公日夕焦灼親爲和藥醫調  
廣市芒屨以布帛束兩足始能投步每食必撒珍膳  
以與同甘苦渴則飲寒鹵泉飢則嗜冷胡餅積久腹  
瀉疥生慙不能乘暫息戰休養適西路獯匪紛至沓  
來公慮防勦稍疎賊得伺瑕擣我乃力疾運籌擇諸  
將中老成持重者得穆圖善陶茂林等授以機宜使  
更番移營破其孝義鎮喬店踞堡徐圖進逼倉渡老

巢是時猶逆更分股在郿鄠一帶滋擾省垣糧運多  
梗復派曹克忠帶烏拉馬隊益以新募七營歸併管  
領軍於盩鄠咸長交衝擇要扼駐以通西路餉道然  
公亦因卧疴未親督戰雖時有斬獲卒無大捷遂於  
十七日肩輿視師察看賊勢遙見自龐谷沙窩至耒  
華喬店東北西三面長濠綿三十餘里深濶數丈西  
東兩面另有小溝二道木城一道梅花簽椿森嚴密  
列欲負嵎嬰守十八至二十日各營輪番轟逼賊壘

以逸制勞次日四更出隊五鼓馳抵其處賊已排隊  
於長濠外更分股樹林沙磧上當派衛隊爲頭敵以  
步軍二營護之適耒華之賊亦出巢來拒另派馬步  
等營扼禦各軍聳躍直入著翅若飛攬犀搏兕氣吞  
羣酋斯須大潰倒奔陣斬多人卽乘勢抄上沙磧安  
營四座高築礮臺廻環轟放龐谷莊之賊不敢伸頭  
露面頗形窮蹙二十二日親至軍前巡視必先破北  
面長濠始能直攻耒華當揮兵力搗其北將進濠側

齊放連珠大礮循環四轟子如雨下逆衆拚死抵禦  
急難得手遂撤軍暫退羣賊鬪然啟壁追來我軍且  
戰且走約五六里許一齊躍馬回衝步隊亦返戈倒  
逐俘馘六百餘名奪賊馬二十三匹直追至濠北而  
還越日令陶茂林趙旣發等各率營攻龐谷濠東以  
牽綴賊力俾不獲援應未華令穆圖善率四營攻其  
濠北防賊抄襲我後別派藤牌軍持巨幔彭排隨同  
吉林馬隊繞過西南折毀未華鎮外木城填平溝壑

遣藍斯明陣於耒華之南遣護軍營陣於耒華之北  
親兵哨隊陣於耒華之東八道齊攻風行雲布殺賊  
措手不及正酣戰間忽喬店賊黨分股來援隨派忠  
字等營以西洋火器禦之鏖鬪百十回合我軍陡從  
西北面飛騰上牆超入濠內兩下交鋒又移時賊始  
大潰奪路而逸被騎士追殺數里斬首千餘級焚其  
積貯巢舍烟塵翳日耒華破龐谷賊聞之氣喪二十  
四日面授陶茂林趙旣發等密策令各率營攻龐谷

東面長濠俟西面進兵得手始由東搶入壘而自督馬步攻其西南遙見是處守濠賊單獨東西兩角屯踞如蟻附度必有隙可乘乃申令先攻東西角派開化等營爲頭敵拔其木城堆卡以朱希廣四營繼之一時鎗礮齊震皇皇敗竄各將士登時衝人爭以瓦石土木填塞濠渠蜂擁而過龐谷賊巢破之亟令穆圖善率姜玉順等進攻喬店又克之卽留營戍其間以疏轉饋三月晦偵聞西路另股援賊又大至當飭



馬隊從孝義後進以遏絕退路趙旣發由樹林內繞出喬店之南截其來路穆圖善堵其東面朱希廣禦其南路以金順騎軍爲接應逆見官兵齊進分股迎拒大戰良久紛紛敗潰截殺壹千有奇孝義破遂乘勢規取倉渡將撲近巢邊壘上子石雨發我軍刻難得手卽振旅回適探另起馬步回逆二千餘出喬店西北攻撲陶茂林營壘乃令騎卒及衛隊均由倉渡北繞出賊後埋伏又派步隊從中直出策應陶茂林

見援軍大至遂督銳士開壁協擊走戟挑刀賊不能  
當向西敗遁突遇馬步伏發邀截攔殺斃兇悍醜類  
千餘生擒正法五六十名夏四月朔移營前進令環  
賊壘築礮臺四面圍轟倉渡該逆亦於堡中修月城  
敵樓并穴甕地道內以防我隧攻戒備甚嚴公度逆  
勢已窮竭必難久延殘喘於次日四更餉師簡精出  
戰面申誠飭今日如不下倉渡其毋以士馬歸也於  
是驍騎突將人各自奮輦旛謹監血戰竟日一躍升

陣亂擲火毬延燒其壘賊衆大亂猶抵死巷戰移時  
屍橫遍地自相蹂踐與奪門擁擠而斃者甚顛餘孽  
狂奔經馬隊追勦二十餘里及於渭濱岸爲水所阻  
無途可避投河淹溺者不計其數倉渡破之卽留步  
軍七營填戍其處所駐後路營梁亦更番層遞移進  
步步爲壘以逼之並飛檄潼商道預備船艘趕造浮  
橋濟師俾於南北兩岸均連環列屯與省垣聲氣相  
通以收聚殲之效此數月以來身經百戰廓清同朝

之情形也五月初七日令陶茂林藍斯明等渡河跨渭而營扼堵渭南潼關之中俾兼顧藩籬以蘇倫保常興阿馬隊繼之屯於渭水迤北令趙旣發朱希廣等營於倉渡高陵一帶以金順溫德勒克西馬隊護之賊乘我壘未成屢來騷犯均經各營截擊大敗斬獲不少初八日復因南岸遼濶陶茂林蘇倫保等馬步兵單加派金順騎軍亦渡渭而南以厚其力逆仍乘修營未訖率衆相擾又經我軍猛擊大潰回巢且

是連日兇撲三遇皆北其氣大衰益懼而協以謀我於亭口要衝築堅壘五座以抗禦進征之道十二日忽出大股排陣如牆力衝我軍相持至日暮勝負未決賊稍怠各將士因其疲而乘之奮呼猛進餘衆慌亂望風瓦解馬隊追及亭河橋殺斃三百餘名隨飭陶茂林營於亭口以困之望日四鼓偵報前路援賊又大至當令穆圖善統率步軍營於夏店浮橋河干馳至亭口列屯令金順跨河而南會同蘇倫保馬隊

陶茂林步軍聯繫以資扼堵是日平明賊果鼓衆而  
來適馬隊先馳至步卒亦繼進兩下合攻大戰數十  
回合賊譁然敗潰金順等驅弩士衝入陣心強弓齊  
發登時射殪賊五百餘名追至亭口橋上地窄人衆  
逆等如落塹墮阱倉皇不能飛越遮殺大半公料經  
此次痛懲不出旬日當有鉅險走逸遂分兵留彼邏  
探越日逆果潛運輜重意圖西竄公聞報預派陶茂  
林等移軍渡渭扼水以伺密令亭口河橋馬隊伏險

截殺屍斷河流該逆大敗且戰且走前股竄過戲河  
我軍亦躡及戲河而營十八九等日令穆圖善等移  
營屯踞臨潼十五里迤清河之西以牽制北岸白鴨  
嘴沙窩里半閣村等處獯巢今趙旣發朱希廣等軍  
於交口繞出清河之東乘勢先清南岸該逆以我軍  
緊逼遂將所過橋梁盡燬時仲夏雨稠山水暴發人  
馬皆病涉乃復派卒輿梁以濟而驕陽酷熱軍士冒  
暑急行疫瘡並作死者二三公憂心如焚舊疾增劇

然以戎務持重不得已扶病臨敵諭穆圖善等力剿南岸兇鋒以疏臨潼大道賊屢悉衆衝撲皆奮勇擊敗命朱希廣趙旣發等暫屯交口石汧河嚴陣堅壁勿戰俟南岸賊破後再合軍會擊殊十二日四鼓月落人靜逆衆由西北皂水渡渭兇撲我營趙旣發等探知卽密調隊伍乘隙越橋潛伏壘左右低窪處賊衆將撲近營伏兵齊起守壘壯士亦開壁接戰該逆驚悚投戈西奔我軍跟踪過河追殺十餘里將賊巢



十三座削平至次日始收隊回朱希廣卽率兩營逾渭而陣十四日並商知趙旣發亦移軍渡河同駐北岸以當賊衝是日正度地修營該逆及其未成列倏擁衆萬餘咆哮而來勢甚鷓張朱希廣狃於劫營之役輕不爲備一面築壘一面揮數十騎大呼躍入陣心猶酋以大股兇徒迎頭抄尾密裏層包朱希廣前衝後突不能破圍殺出趙旣發見勢危殆急率勁旅援應賊復分股遮禦礮鎗雨密趙旣發身受重創連

衝數次不能殺入見朱希廣已血戰陣亡遂亦扶傷  
引退賊衆卽將新築各營圍簇逼攻并於濠外紮連  
壘擬長圍以困我時驟雨破塊河水陡漲如駛所留  
南岸各營又不能濟涓來援危在眉睫公聞警焦灼  
萬狀卽於望日冒雨輿疾啟行十六日至交口密察  
形勝當派各營列隊搭橋調水師移礮船近浮橋嚴  
護次晨親督步軍由中路進別遣四營由左路進令  
溫德勒克西金順等率馬隊由右繞抄賊後均各衝

枚疾走乘其不備奮呼突前賊衆初未及防皆倉皇  
亂竄自相顛躓死者不可數計其漏逸餘孽向西潛  
遁經騎軍衝至截殺多名該逆驚惶返奔公親督各  
營三面圍剿逼至河邊礮船又連環轟擊殲斃及投  
水死者數百人生擒首首馬阿渾訛明梟示撤隊回  
營我軍亦有傷亡趙旣發旋因創重捐軀公悼息連  
損驍將忿欲立掃妖氛屠戮靡遺卽軍於三岔河厲  
士揚武詎猶逆自受創後屢挑戰均不迎敵惟深溝

高壘以老我師公亦休士養銳相時而動故彌月無事相延至孟秋洞察賊情悉其伎倆無他擬躬督大軍進剿南岸慮北岸股匪乘虛擾我之後遂先破其巢以制之乃於初七日寅初傳諭步軍九營爲前敵並接應諸路由南岸調金順等騎隊渡河五更後分飭馬步俱抵蒲萄窪賊寨繞襲賊尾斷其退路逆見官軍進攻突出馬賊千餘騎步賊六千餘衆死力相抗皆張神臂弩持滿而俟公自被甲挺戈瞋目怒叱

千人皆廢，獨首目不敢視，手不敢發，悚駭倒奔。各將士衝殺逾時，馬隊又從後抄擊，敗之，焚其柵椿積聚。攻克蒲萄窪，乘勝進攻拜家村，賊黨設伏險要，詐敗誘敵。我軍分頭堵剿，先破其伏兵，再掩其後路，兩翼夾搗，逆不支，向西潰逃。復將拜家村賊巢攻破，仰視日未斜，驢傳令直搗十三村，酣鬪數十合，又大破之。一日之內，三戰皆捷，連掃數窟，狐兔魂寒，河北遂漸銷烽。初十日，親督衛隊及騎步各營渡河而南，列屯

進逼狗巢謀報逆衆在三府里迤東連營六座並由  
白鴨嘴至灞河止掘濠深長二十餘里沿濠以內壘  
卡密排當傳宣諸將領面投機宜期以五日迅將南  
岸賊壘一律掃盪以通省垣咽喉十一日四更自率  
衛隊兩營令穆圖善等督馬步各軍分道進攻三府  
里賊窟賊出萬餘迎戰我軍暗鳴躍前以大斧鐵鉤  
砍折其木城拋土塊柴薪填平其濠塹殺入三府里  
斬首一千有奇左右環紮小巢六座亦同時踏平敗

狗竄入白鴨嘴合黨兇拒公令馬隊越濠逼攻跟追  
十餘里斃賊無算攻其白鴨嘴破之次日早餐移軍  
屯於三府里逼攻烏什賊營苦戰終日焚屠十餘村  
堡又破之賊棄輜重牲畜鎧幕向沙河老巢遁去十  
四日丑初傳令進攻該逆以大股來撲我軍奮力角  
逐左拔右抽馳騁若飛敵陣不稍動公怒手劍嚴督  
諸將士奮不顧身負楯而趨直入重柵破其堅對抗  
到甚多敗逆向漆河逃走馬步追及河岸號聲震耳

爭先競渡墮河死者以數千計漆水爲之不流沙窩  
踞巢登時平燬蓋猶未五日也隨遣將率虎騎弩士  
搜擊牛閣村並充太廟等處賊藏零星遺孽逐日薰  
穴犁庭殲除罄淨省東一律疏暢遂無賊踪是役也  
逆獬巨股兇醜悉萃於渭水南北道無人烟平沙宿  
莽幾成廢墟乃公枕戈嘗膽力疾前驅竟能尅期告  
捷救民水火方其約日破敵左右皆驚疑及是而屈  
指收功然後服公之奇謀勝算殆有非人力爲者念



二日率陶茂林暨蘇倫保等馬步進省與西安將軍  
巡撫面籌城守事宜比因鳳翔戒嚴先遣陶茂林率  
精卒三千五百人馳援令曹克忠一軍剿辦鄠縣一  
路公於八月二十日出省馳赴渭北令穆圖善統南  
岸各軍以次移過河北而營併力攻拔十三村逆巢  
二十二日師次交口遂先後進軍屯於踞村之普陀  
原飭穆由新豐造浮梁濟師會勦一面飛咨正綰侯  
高陵攻克卽由三原直入破永樂店塔兒寨之賊並

諭總兵馬升扼咸陽以防西竄二十八日黎明令蘇  
倫保等馬隊埋伏十三村之北穆圖善率隊攻其南  
而自督軍攻其東該逆擁馬步五千餘雀噪而來卽  
揮三路迎戰各將士皆虎夫豹騎所向摧殄逆衆望  
旗先奔潛踪西遁立將大小十三村削平隨移營進  
規高陵九月朔晨興列隊直薄城根分遣各軍豎梯  
爬城該逆陰由南門遁出盤踞近城之南村經騎卒  
飛馬躍攻登時敗潰高陵縣收復留兵戍之其時沿

河數十里村落市廛槪爲狗匪陷踞雞犬無聲自被  
我軍連日剪滅攻克全行奪回漢民始有生氣而游  
魂殘虜遂由渭竄過涇河公卽乘勢渡渭逼賊而營  
該逆乘壘未堅以大礮擡鎗轟擊公預遣馬隊自上  
游濟伏於河干截擊而親率步隊過河擒斬數十人  
賊稍却於是諸將暨穆圖善等營循涇而上追殺四  
十餘里至長駝灣該逆敗入村堡不及閉門我軍躡  
逐蜂擁齊進焚其壘一鼓屠焉適正綰亦於是月朔

次第將永樂店塔兒寨搗破逆衆狼貪虎餓腎不畏死仍在南岸阻抗公派馬隊抄殺斃其千餘騎正綰遂督軍覓水而南與穆圖善合兵會攻又殪賊馬步三千有奇老弱倍之次日令勇夫編木筏搭浮橋以濟屯於長駝灣仿合籠陣法節節滾營而進緊逼蘇家溝老巢谷正綰帶所部由涇陽渡河令曹克忠赴咸陽扼堵遏其西竄初十日公督大軍分路進發該逆自渭達涇縱橫十餘里排列旌戟若林嚴陣以待

當令步隊等營出左路以蘇倫保馬隊接應穆圖善  
出右路以金順馬隊接應均雁行而前該逆知無生  
路悉捨死抵禦往來輪戰經百餘回合忽我騎軍包  
抄直上金革整齊動瓦吞沙賊勢窮亂奔斃其二千  
餘人撲水淹死者盈河穢流涇渭魚鼈悉浮賊黨向  
蘇家溝渭城灣敗遁破其高陽莊東穆家寨南北社  
村蕭城柳家堡韋家溝賊巢餘孽搜殺無遺乘勝指  
揮大軍直薄蘇家溝而陣徇逆自始禍所破城鄉擄

劫子女玉帛均儲蓄其中故多留悍黨守之堞高隍  
深外布蒺藜木柵圍以荆棘幾如蛟窟虎岬莫之敢  
撓詎我軍皆百戰驍雄拳捷手精飛躍升壘點放撒  
星火箭轟以劈山礮礮燄騰子落無堅不破斃賊四  
五千名蘇家溝立破正振旅前驅突馬賊二千衆自  
渭城狂奔來援復經我軍殺退乘勢尾追將新馮家  
園西穆家寨賊卡破之直抵渭城灣老巢該逆特於  
此處增陴浚濠將圍久踞壘上鎗礮環施著肉皆飛

攻撲逾時竟未能下公鳴鼓嚴催各將士冒烟突火  
拔幟先登刺倒守堞悍賊多人大開堡門一齊擁入  
逆黨窮極無路躍上屋脊亂擲瓦礫我軍血戰悉數  
剪滅救出難民千餘計是役其斃賊一萬七八千奪  
牛馬無算實爲入陝第一大捷咸陽要隘已先爲正  
綰與曹克忠扼堵該逆不敢西竄而境內尙有白起  
營馬家埠兩大巢至醴泉邠乾一帶賊壘猶多亟應  
層層掃盪期無後患會陶茂林援鳳之師亦將郿縣

川匪曹燦章剿敗破其東鎮西柿林槐芽鎮東嶽廟  
白家凹等處逆巢大小數十座斬首數千級直抵鳳  
翔七里河郡城圍解乃令移軍取道度隴與正綰會  
勦平涼踞寇並檄曹克忠一軍徑渡渭水北岸圍殺  
白起營馬家埠賊巢該逆未及奔避我軍已追入堡  
同時將兩穴轟破勦洗絕株所竄入醴泉餘孽爲數  
寥寥亦派兵搜擊靡遺十月初八日偵知漢中各屬  
自髮逆攻陷後賊踪蔓滋已由佛坪山徑竄出新口



峪盤郡寶鄆在在堪虞公當飛派穆圖善統率七營  
由渭城灣拔發會同馬隊向鄆縣前進迎頭攔截用  
顧省垣門戶調姜玉順等營自興平渡河繞赴盤屋  
後路夾擊並令溫德勒克西以馬隊輔之隨據謀稱  
初七日申刻髮逆藍大順攻盤屋縣城於初九日黎  
明失守公聞警卽飛咨穆圖善等星速進兵力圖恢  
復十月初九日在醴泉行營恭奉同治二年九月十  
二日

上諭西安將軍員缺着多隆阿調補欽此公自入關以來  
大小數百戰克賊巢數百處復郡縣十餘城所有兇  
悍賊股均經屠戮卽逃入邠乾零氛亦經正綰追勦  
殆盡惟竄陷盤屋藍逆由滇邊倡禍擾蜀殘破城鄉  
疾如飄風旋顛越入漢南所過攻堅摧銳猶以石壓  
卵狡譎異常披猖尤甚公於十五日馳抵該縣城下  
詳度地勢密爲布置面授諸將方畧傳令各營潛開  
隧道更番穴攻令穆圖善扼屯山口以防洋縣援賊

並飭各將士日以鎗礮轟擊俾賊不遑喘息疲於救  
護正攻撲得手間忽探報甘肅徽縣兩當髮逆由隴  
州竄至寶鷄裹脅平民二萬餘在山口掠糧將從郿  
縣各路分援盩厔等語公思髮逆注意援盩厔一經  
竄出山口必從郿縣岐山扶風武功大道直捷而來  
沿途旣未屯戍順如水流毫無阻撓我若分兵迎擊  
竊恐藍逆突竄遂飛飭陶茂林一軍迅由汧陽折回  
鳳翔進勦扼戰於二嶺關觀音堂大散關草涼驛一

帶擒斬甚多該逆窮蹙向略陽東竄甲子三年春正月迭據偵報漢中踞逆偽扶王陳得才等探聞陝省徇務肅清我兵不日進勦深爲惶恐已於新正初三四等日分股東遁公先飭藍斯明一軍駐守商州又派東治兩營扼防潼關令金順等馬隊前往豐峪大峪子午谷等處堵勦以遏竄省之路其蓋屋踞逆經各營晝夜環攻該逆爲備甚嚴急難克取二十六日五鼓諸軍齊至城下奮力轟拔城上以鐵星傾灌著

體焦鎔黃金山募敢死士百餘緣梯畢登攝幘裹創而上該逆抵死固守槩戟蝟刺仍不得入我軍傷亡頗多連攻數次猝未能下一面令譚仁芳等開隧道穴攻二月初三日平明我軍以地雷爲號約礮響時鼓衆一齊上攻無如城身堅厚僅震塌數尺各營冒險舍生躍上梯衝而城賊滾木飛石雜礮子鎗丸齊下軍士粉身碎骨不知凡幾連登數十次無隙可乘公日夕焦慮寢饋難安適所遣陶茂林勦北山獍匪

連獲捷音正縮進攻白吉原亦大有俘馘敗逆西竄  
曹克忠一軍並將麟遊餘匪搜斬幾罄尙得機勢卽  
飭移軍由招賢鎮剿雨亭寺等處零賊復飛咨正縮  
抽軍前往靈台攔頭堵截三軍會合夾攻卽進規平  
涼而蓋屋縣城屢攻莫克迭據擒獲奸細僉謂城中  
積貯尙多因官兵四面緊圍無路能逃惟有捨命死  
抗等語二月十三日夜天大風雨該逆率數百人出  
東門經東路各營追殺百十人餘賊棄械仍竄入城

自是每夜必悉黨來撲我軍均經諸將士隨方堵禦  
奮力擊退公仍嚴飭各營穿掘地道二十三日隧成  
轟開城堞丈餘我軍乘烟霧中一呼超登酣鬪逾時  
將守陴悍賊搗擊多名逆始敗退當將月城攻破焚  
其敵樓障塢殊該逆於外城裏增修內卡防守彌嚴  
我軍正在力攻公親桴鼓督戰頭眼俱中鎗子血流  
被面鼓音不絕仍令各將校連夜圍擊必拔其城以  
歸不許稍鬆會因受傷甚難以支持特

奏請將

欽差大臣關防交西安左翼副都統穆圖善署理督辦軍務令穆傳示各營照常急攻不得以某身受重傷稍存疎懈二十四日穆督步隊營員蕭河清五營力攻其西派姜玉順與孟宗福分攻南北兩門維時衛隊開化等營已扼駐月城之上踞賊巢咫尺石矢對轟該逆迭次衝突悉經鼓勇擊退譚仁芳復由東路更番輪撲賊不能支猶復竭力相抗自辰至酉迴環轟



擊死者不計其數各營不少休從西南北三面齊進  
該逆分頭抗禦我東路官軍於三更時乘其疲憊拔  
椿升梯而上將東門大開諸猛士一擁殺入縱火焚  
卡紫燄騰空賊見東城已破倉皇棄甲狂竄經各路  
圍殺屍骸枕籍生擒僞賢王藍朝元藍朝普藍朝洪  
僞都統藍三順向能興蔡洪發等暨大小頭目八十  
餘人均訊明正法救出難民無數初公之攻月城也  
諭諸將曰城破賊必由西門近山竄逸吾預設伏於

此必擒藍酋也至是果從地道潛遁剛近山根伏起  
殲斃黃衣賊目多名藍逆身中數槍僅以身免由新  
口峪逸入南山未幾爲團練擒獲伏誅卒如公料云  
於是陝西軍務已全省 奏報肅清公前疏陳頭眼  
受傷甚重於同治三年三月初八日恭奉

上諭多隆阿奮勇督戰雖身受鎗傷曾不稍却卒拔堅城  
實屬忠勇性成勞勩卓著著賞假一箇月安心調理並  
著由內務府發去如意拔毒散四料交該大臣祇領以

冀速痊欽此同日又奉

廷寄多隆阿督率兵勇晝夜圍攻奮不顧身竟將堅城攻  
拔具見忠勇過人所請伊子雙全隨侍一節已寄諭黑  
龍江將軍令其傳知雙全赴營隨侍並因道途遙遠命  
其馳驛赴陝藉資迅速欽此同治三年三月二十五日

接奉

廷寄據穆圖善奏稱多隆阿自敷帖拔毒散後頓覺痛減  
神安覽奏頗爲欣慰仍發去加意拔毒散兩料交該大

臣祇領趕緊醫治以冀速痊欽此二十七日又奉

寄諭穆圖善奏稱多隆阿傷疾增劇勢甚危篤須重用葭  
著以固其氣等語覽奏益深廬系著發去人葭六兩交  
該大臣祇領醫治安心調理用冀速痊欽此四月十三  
日辰刻公痰氣上壅急召穆至病榻前握手歛歔不  
能成語惟以指作清書遺摺二字卽就平時議論所  
及起擬摺稿穆爲朗誦點首數四讀至

皇上方在冲齡翹首北顧淚下如雨卽於是日未刻溘逝

由驛馳奏

朝廷震悼飾終之典一切如

制軍民巷哭私祭哀毀逾於所生其繫人思如此公性極剛強不徇俗爲喜怒生平以忠義自期推誠待物所得廉俸輒分犒士卒從不入私囊官文恭公督楚時悉其家貧甚以三千金委員寄贍其妻孥公知之馳卒追取盡爲戰士購製征袍每見家書至輒擲去曰徒亂人方寸耳古所稱國而忘家不是過也馭軍極

嚴肅有犯民間秋毫不稍宥嘗移軍在途見營卒挑  
一鴨過詰所來不能置對竟斬以徇然賞罰平允苦  
甘與均故士皆樂於用命而尤知人善任隨材器使  
不稍偏私所拔諸將士由卒伍游升專閫實繁有徒  
迄今西南遺老談將畧者皆推公爲最嗚呼如公者  
洵可謂戎臣之師矣

多忠勇公勤勞錄卷四終

右多忠勇公戰蹟文牘繁縟經

春岩將軍節錄成書

縮

恐其日久散佚爰取而繕正

與幕中賓佐參酌逐日編排不敢故爲增損不求工  
於文字懼摺據失真轉掩公之勲勞也覽者幸諒之

雷正綰謹識





多忠勇公碑記

長白穆圖善撰

公東盟齊齊哈爾城人善生與同里少相識咸豐初  
壬子歲同奉調出師轉戰數省由汴而燕而趙而齊  
而吳而皖而鄂而秦公積功官極品歷數十年經數  
百戰始終如一日平髮逆擒逆回逆克復省郡州縣  
所向無前賊望風披靡莫敢撓其鋒昭於

諭旨詳於

國史傳於士人散見於胡文忠諸賢專家之集更何  
俟乎善言雖然善之於公無役不從纖微盡悉太史  
公敘管晏列傳曰論其軼事善竊師之馮官屯之戰  
賊氛孔熾軍情瞬息百變成敗之幾間不容髮馳驟  
巡諜晝夜不息者四十餘日同人皆憊營總某以病  
離營各官紛紛託故去其留者惟善與公耳公先受  
藥療傷病甚且不能啟閤善之孤立也呼而起裹  
創出戰誓同生死創亦尋瘳而賊穿隧伏地雷當礮

臺下正公與善立處將發矣適僧耶泐渠放水入藥  
籠浮出賊卒授首是役也善與公幾爲灰燼至今思  
之猶寒心其克復安慶也李忠武以孤軍作長圍援  
寇十萬大股上犯犄角諸軍各不相下勢殊岌岌公  
身先諸將策應李軍力殲劇賊卒蔽大勳逮督師入  
陝纔十八營而公已病革當呻吟輾轉之際每臨戰  
事則精神奮發指揮部署若置此隊於隙地者及賊  
敗則所置之營皆賊所必經之路斬擒殆盡不旋踵

而東西兩陝全境肅清軍中奉若神明公性嚴重用  
法尤峻有犯必懲每申儆軍寔諸將佐入見皆股栗  
文吏草檄者誦以聽爲指瑕而易之輒精當羣服爲  
天授云顧平日待士卒甘苦與其公而忘私所得廉  
薪常充犒賞不入私橐鎗礮火門稍暇則親自點驗  
曰器不利用適以厲吾徒也陣前兵勇受傷者極力  
撫慰至以已所乘騎載之歸湯藥療治必親視焉公  
之帥衆也勤以訓之誠以待之恕以體之仁以周之

果敢以御之廉明以察之信賞必罰以勵之非特名  
將真有古大臣風已乃因刻期取整屋城力疾督戰  
身被重創傷病俱發使不得盡其用薨之日器無可  
庀釀金以殮嗚呼哀哉秦隴人至今云公若存事且  
畢非虛諛也善從公久悲公之遇師公之忠見於羹  
牆形於夢寐計自同治丁卯入臨洮城危如累卵數  
瀕於險卒全無恙惟公威靈實式憑之今奉

命移駐乾邠登公廟堂拜瞻遺像祝公牖其衷使得藉手

以報

天恩而成公志維善實徼福焉更冀西陲大定洗甲銷兵  
俾吾民咸登衽席是尤公之所以庇陝亦公之所以  
庇善也夫

多忠勇公平陝事略

整屋李宗燾撰

公諱隆阿字禮堂蒙古人隸黑龍江部伍世襲騎都尉年少尙氣節膽畧過人咸豐初粵匪之亂

朝廷徵兵邊徼應募入關轉戰楚皖績烈甚偉以功累遷授荊州將軍時宗燾守武昌稔聞公名同治壬戌四月宗燾奉諱旋里值關中徇變道梗僑寓襄陽五月公奉

命自楚援陝官相國奏令宗燾襄理營幄遂從公時大軍  
行甚速指期入陝途遇髮首陳得才糾合捻首姜汰  
凌張落刑等二十餘萬衆三路窺秦公慮關隘爲其  
所奪命先鋒雷正綰以陶茂林等三千人兼程前驅  
自以大軍繼之甫抵商南陳酋已躡於後截我餉道  
公回軍掩擊大破於荆紫關復其城賊遂宵遁次日  
公令馬隊追賊步軍暫息自以單騎入商南而姜酋  
猝至商邑城甚陋賊由富水關來適當其衝城中僅



衛卒數十人合邑賊然公從容布置城防城門洞開  
令十數騎列陣以待賊不敢逼如此五晝夜賊漸北  
趨後軍亦至公已預檄茂林設伏扼武關截其去路  
自率五千人追擊之商地亂山崎雜兵難展布公棄  
馬登山持令旗覘賊所向以旗指揮三戰三捷羣賊  
無路可出攀葛附藤墮崖墜澗者悉殲斃姜酋僅以  
身免是役也以數千疲卒滅五六萬悍賊

朝廷偉之而張落刑已聞風遁去公檄諸軍西且至陝會

大吏奏奉

廷命勝保督陝西軍務移公東勦陳酋追及樊城又敗之

唐縣鎮遂屯軍樊鄧間十月勝保覆軍猶氛益熾

朝旨授公

欽差大臣仍令急赴陝西時關輔村舍皆墟軍糧無所出

公謂宗燾曰陝事如此兵慮譁潰君秦人道路物產

知之悉戰事吾自任之糧芻轉輸惟君是賴宗燾迺

度道路難易及所產有無多寡皆設法購備於五百

里外十一月晦日公始入潼關卽解同州圍擊賊之  
背一戰大捷回匪倡亂九閱月受創始此遂扼賊於  
洛河之南其地林木叢雜袤斜百餘里古稱沙苑產  
蒺藜公部多南勇跣足搏戰苦不得逞公多購草屨  
令以布裹兩足著之兵威始壯又以滾營法逼賊而  
壘癸亥春連破羌白王閣耒華喬店孝義倉渡諸賊  
巢馮翊悉平初公之破諸砦也沙苑林中零星回巢  
未嘗遣卒搜捕諸將慮未盡絕公笑曰君等尙謂賊

未空出耶我扼其吭彼不合併庸有生路乎必不信  
盍使覘之翌日往探果如公言公不讀兵書用兵動  
與古合其神奇多類此五月師次交河口公適患腹  
瀉憊不能督戰迺擇諸將中持重者得穆圖善陶茂  
林令分軍跨渭爲營以驍將朱希廣趙旣發輔之希  
廣與旣發素相善欲併營於北岸當賊衝公慮以勇  
僨事弗應二將請益力公不得已乃許復戒之曰君  
等當聽吾言賊至堅壁勿戰吾自有法破之慎毋輕

出也二將初尙耐守後以公病久賊日辱罵不能堪  
遂背令而出果中賊計遇伏戰歿公聞信力疾乘肩  
輿以後隊二千人往援大破之克交口十三村等巢  
剪滅殆盡尋又破南岸馬烏什東沙河諸賊砦餘逆  
三落不敢迎戰公慮其遁走遣卒招撫賊詭應之而  
陰以車馬運輜重西去公覺其詐密令曹克忠繞道  
截擊自率大軍進薄高陵無戰不克無堅不破旬日  
之間連克高陵涇陽縣城及塔兒寨永樂店咸陽之

渭城灣蘇家溝馬家堡白起營各賊巢六十餘處縱橫二百餘里尸骸遍野馬不能行京兆亦定已而遣雷正綰援甘肅命陶茂林解鳳翔城圍進攻白吉原等處賊巢悉平之關輔肅清公欲度隴窮勦回匪先掃盪漢南川賊以清後路賊偵知之乃東遁而賊股藍大順適陷盩厔公馳軍圍其城盩厔城小而堅藍酋又善守備誘以計不出轟以地雷不墮公迺選各營健卒數百人力攻月城令將士曰賊雖善守月城

破彼不能安處矣吾今分諸軍更番攻擊以逸制勞  
不出兩日賊必走西門近山必由此出吾已預設伏  
兵藍酋可禽也迺親上礮臺擊鼓督軍力戰兩時之  
久悍賊死者十九適爲礮子中傷左目而鼓音不絕  
是夕賊果由西門遁伏起藍酋身中數槍逸至南山  
遂成禽餘賊悉滅公自應募討賊身經三百餘戰克  
城砦二百有奇酷暑嚴寒未嘗安枕出奇制勝神妙  
不測以受創傷甚卒於蓋屋大營同治三年四月十


三日未時也距生於嘉慶二十二年十一月十三日  
寅時享年四十有七事聞

天子震悼卹晉太子太保給一等輕車都尉世職并准入  
祀京都昭忠祠其勤辦直隸山東山西河南安徽湖  
北江西陝甘等處軍務立功省分著建專祠賞銀千  
兩經理喪事諡忠勇公不識漢字公牘函札聞之輒  
曉其義指論是非殆天授非人力也賦性忠義常謂  
其下曰我輩受



朝廷爵祿不能滅賊何以問心且

國家多事之秋正臣子戮力之候可有欺心乎言輒泣下  
每戰身先士卒不避鋒鏑運籌決勝料敵如神統兵  
十餘年所得奉廉分給將士未嘗私其家傷疾篤時  
昏迷中猶作揮軍狀頻呼殺賊無一語及家事宗壽  
隨公年餘目覩平陝事績謹狀其畧備史館采擇其  
楚皖戰功多在胡文忠公奏疏中不具錄



Handwritten text, possibly a signature or name, located in the upper right corner of the page. The text is difficult to decipher due to its orientation and the quality of the scan.

Small handwritten mark or text located in the lower right corner of the page.